



胎水腫滿

腹內鐘鳴

積聚

孕癰

傷食

中惡

中風

風癰

瘰癧

眩暈

驚悸

痞

煩口乾

吐血衄血咳唾血

咳嗽

喘

瘧

霍亂

泄瀉

滯下

大便不通

小便不通

淋

遺尿

尿血

眼目

臟躁悲傷

妊病可下胎斷胎

胎自墮

胎不長

日月未足欲產過期不產

鬼胎

臨產坐草法

催生法

下死胎法



皸脚胎水

胎水腫滿

產寶論曰夫妊娠腫滿由臟氣本弱因產重虛土不
 尅水血散入四肢遂致腹脹手足面目皆浮腫小便
 秘澀陳無擇云凡婦人宿有風寒冷濕妊娠喜脚腫
 俗呼為皸脚亦有通身腫滿心腹急脹名曰胎水
 論曰凡妊娠之人無使氣極若心靜氣和則胎氣安
 穩若中風寒邪氣及有所觸犯則隨邪而生病也凡
 妊娠經血壅閉以養胎若忽然虛腫乃胎中挾水水
 血相搏脾胃惡濕主身之肌肉濕漬氣弱則肌肉虛
 水氣流溢故令身腫滿也然其由有自或因泄瀉下

胎水腫滿



痢臟腑虛滑耗損脾胃或因寒熱瘧疾煩渴引飲太過濕漬脾胃皆能使頭面或手足浮腫也然水漬於胞兒未成形則胎多損壞及其臨產日脚微腫乃胞藏水少血多水出於外故現微腫則易生也宿有寒氣因寒冷所觸故能令腹脹腫滿也 產乳集論妊娠自三月成胎之後兩足自脚面漸腫腿膝以來行步艱辛以至喘悶飲食不美似水氣狀至於脚指間有黃水出者謂之子氣直至分娩方消此由婦人素有風氣或衝任經有血風未可妄投湯藥亦恐太段甚者慮將產之際費力有不測之憂故不可不治於

未產之前也古方論中少有言者按名醫錄宋少主元微中與徐文伯微行學鍼法文伯見一妊婦足腫不能行少主脈之此女形也文伯診之曰此男胎也在左則胎黑色少主怒欲破之文伯惻然曰臣請針之胎遂墮男形而色黑此妊娠足腫之說見於古者今巢氏病源中但有子煩之論千金并產寶方亦略言之劉禹錫續傳廣信方以為妊婦有水氣而成胎太平聖惠亦言之皆非也元豐中淮南陳景初名醫也獨有方論治此病方名初謂之香附散李伯時易名曰天仙藤散也 薛前證若胸滿腹脹小便不通

遍身浮腫用鯉魚湯脾胃虛弱佐以四君子若面目
 虛浮肢體如水氣用全生白朮散如未應用六君子
 湯脾虛濕熱下部作腫用補中益氣加茯苓若飲食
 失宜嘔吐泄瀉用六君子湯若腿足發腫喘悶不安
 或指縫出水用天仙藤散脾胃虛弱兼四君子湯如
 未應用補中益氣湯若脾肺氣滯用加味歸脾湯佐
 以加味道遙散一妊婦每胎至五月肢體倦怠飲
 食無味先兩足腫漸至遍身後及頭面此是脾肺氣
 虛朝用補中益氣夕用六君子加蘇梗而愈凡治妊
 娠母泥月數但見其經證即用本藥為善一妊婦

年三十八妊娠水腫以鯉魚湯加五苓散人參濕加
 蒼朮壹錢厚朴陳皮五分蘿蔔子炒車前子滑石各
 壹錢作一貼若喘急加苦葶藶小使不利加水通燈
 草甚者車前子滑石散其濕毒自消防已治腰已下
 濕熱腫如內傷胃弱者不可用也

天仙藤散

天仙藤

洗畧炒

香附子

炒

陳皮

甘草

烏藥

不必天合者但得
軟白辛而香者良

右等分淨秤為細末每服叁錢水壹大盞薑叁片
 木瓜叁片紫蘇叁葉同煎至柒分放溫澄清空心

食前服日三服小便利氣脉通體輕腫漸消更不

須多服

元豐末王荆公居金陵舉家病以詩贈景初曰舉族貧兼病煩君藥石功到家何所

產寶療妊娠身腫有水氣心腹脹滿小便少

茯苓肆兩

杏仁

檳榔各叁兩

旋覆花

郁李仁各壹兩

右為粗末以水陸升煮取貳升去滓分溫三服小

便通即瘥

崔氏療妊娠體腫有水氣心腹急滿

茯苓

白木各肆兩

旋覆花貳兩

杏仁

黃芩各叁兩

右細切以水柒升煮取貳升半分溫三服忌桃李

雀肉酢物

療妊娠遍身洪腫葶藶子散

葶藶子壹兩

白木伍兩

茯苓

桑白皮

郁李仁各貳兩

右為粗末水陸升煮取貳升分三服小便利即瘥

又方

澤瀉

葶藶各貳兩

茯苓

枳殼

白木各陸兩

右細切以水陸升煮取貳升分溫兩服小便利即

澤瀉散 治妊娠氣壅身體腹脇浮腫喘急大便不
通小便赤澀宜服

澤瀉

木通

桑白皮

赤茯苓

枳殼

檳榔 各壹錢半

右作一服水貳鍾生薑五片煎至壹鍾食前服
防已湯 治妊娠脾虛通身浮腫心腹脹滿喘促小
便不利

防已 壹錢半

桑白皮

赤茯苓

紫蘇莖葉 各貳錢 木香 半錢

作一服煎服法同前

千金鯉魚湯 治妊娠腹大胎間有水氣

白朮 伍兩

茯苓 肆兩

當歸

芍藥 各叁兩

右細剉片以鯉魚壹尾修事如食法煮取汁去魚
不用每服肆錢入魚汁壹盞半生薑柒片橘皮少
許煎至柒分去滓空心服集驗同

腎著湯 治妊娠腰脚腫

茯苓

白朮 各肆兩

乾薑

脫脚

甘草 各貳兩

杏仁 叁兩

右吹咀每服肆錢水壹盞半煎至米分食前服

指迷五皮散 治胎水尋常脾虛腫滿亦治

大腹皮

桑白皮

生薑皮

茯苓皮

橘皮 各等分

右吹咀每服半兩水貳盞濃磨木香水壹呷同煎

至捌分去滓空心溫服亦治男子脾虛腫滿

治妊娠兩脚浮腫名曰脫脚因脾衰不能制水血化

成米所致用生料平胃散薑棗水煎服或為米紫蘇

葉煎湯調下

子腫

全生白朮散 治妊娠面自虛浮如水腫狀

白朮 壹兩

生薑皮

大腹皮

茯苓皮

陳皮 各半兩

右為細末每服貳錢米飲調下不拘時

子和治妊娠從脚上至腹腫小便不利微渴豬苓伍

兩為末以熟水服方寸匕日三服

丹子腫多濕用山梔一撮米飲吞下

腹內鐘鳴

大治孕婦腹內鐘鳴用鼠窟前後土為細末研麝香酒調下貳錢其產婦立愈

補遺治孕婦腹中兒哭用川黃連濃煎汁令母常呷之

薛按產寶云小兒在腹中哭其治法亦用空房中鼠穴土或黃連煎濃汁飲之即止想即是證又云臍帶上疔落兒含口中因妊婦登高舉臂脫出兒口以此作聲令妊婦曲腰就地如拾物狀仍入兒口即止然黃連性寒麝香開竅當酌量用之

積聚

素黃帝問曰婦人重身毒之何如岐伯曰有故無殞亦無殞也帝曰願聞其故何謂也岐伯曰太積大聚其可犯也衰其大半而止過者死至真要論

丹血塊如盤有孕難服峻劑此方主之
香附子醋煮肆兩 桃仁去皮尖壹兩 海粉醋煮貳兩
白朮壹兩

右為末麵糊丸服

孕癰

治孕癰立效

烏藥研出洪州軟白香辣者良

右用伍錢水壹盞牛皮膠壹片同煎至柒分温服

補遺治孕中有癰 薏苡仁煮汁飲之

薛按孕癰即是腹內患癰如前法不應宜用牡丹皮

散 或薏苡仁湯方見外科內癰

傷食

大經云飲食自倍腸胃乃傷又云陰之所生本在五

味陰之五宮傷在五味若妊子飲食不節生冷毒物

恣性食噉致傷脾胃故妊娠傷食最難得藥唯此二

方最穩捷木香丸白木散薛東垣先生云脾胃之氣壯則

過時而不饑多食而不傷蓋胃主司納脾主消化五

臟之本也然食倍而傷者乃脾氣虛而不化也若投

以峻劑則脾胃復傷而胎亦損矣當審其所因而調

治之若飲食停滯或肚腹作痛用平胃散嘔吐惡心

加枳殼砂仁吞酸噯腐加黃連叁分吳茱萸貳分腹

滿泄瀉用六君子湯停滯肉食倍加山查停滯麵食倍加麥蘖停滯糯食用白酒麩末一味米食停滯倍加穀蘖魚腥所傷倍加陳皮傷辛熱之物加黃連傷性冷之物加砂仁木香如不應更加肉豆蔻補骨脂再不應用四神丸若脾氣下陷用補中益氣湯凡覺藥氣且戒藥餌節飲食經云損其脾者調其飲食適其寒温大凡脾胃虛弱飲食難化以白木陳皮為末等分陳麩糊丸常服最善枳木丸但可暫用枳實峻厲能耗真氣治者慎之 一妊娠因停食服枳木丸胸腹不利飲食益少更服消導寬中之劑其胎下

胎下墜

墜余謂此脾氣虛而不能承載也用補中益氣及六君子湯中氣漸健其胎漸安又用八珍湯加柴胡升麻調理而痊

木香丸 治婦人有孕傷食

木香 貳錢 三稜 人參

白茯苓 各叁錢

右為細末麩糊丸如菜豆大熟水吞叁肆拾丸

白木散 治妊娠氣不調和飲食易傷

白木 炒 乾紫蘇 各壹兩 人參 未全盡

白芷 炒 各柒錢 川芎 訶子皮

青皮 各半兩 甘草 貳錢半

右為末每服貳錢水壹盞薑叁片煎至米分温服

局方小七香丸 雜傷飲食 保氣散 坐二方治傷食良効

鄭氏勝金散 治妊婦因食傷胎傳於脾胃氣虛冷

逼小腹脹痛或署重大便秘

吳茱萸 酒浸 淨陳皮 川芎

乾薑 炮 生薑 切焙各壹錢半 炙甘草

厚朴 薑製各叁錢

細末每服叁錢陳米飲下入鹽煎尤妙濟生加砂

仁

百中惡

夫妊娠忽然心腹刺痛悶絕欲死者謂之中惡邪惡之氣中胎傷於人也所以然者血氣自養而為精神之主若血氣不和則精神衰弱故邪毒之氣得以中之妊娠之病亦致損胎也 薛前證當調補正氣為善用金銀藤一味煎湯飲之

當歸散 治妊娠中惡心腹疔痛

當歸 丁香 川芎 各叁兩

青橘皮 貳兩 吳茱萸 半兩去梗湯泡叁次炒黑

右為細末無時温酒調壹錢

又方 生乾地黄 壹兩 枳殼 木香 各半 為細末每

服壹錢酒調下

又方 苦梗 貳兩細 生薑 半兩 水煎服之

補遺 治妊娠中惡心腹絞急切痛如鬼擊之狀不

可按摩或吐血或衄血者用熟艾 如拳 煮汁頻服

又方 用鹽壹盞水貳盞調和服以冷水嚥之吐出即安

又方 竈心土為末每貳錢井水調服白湯調亦可

又法 取汗衣用男子貼體久染汗者佳燒灰存性百沸湯調服

中風

大論曰夫四時八方之氣為風也常以冬至之日候之若從其鄉來者長養萬物若不從其鄉來者名為虛邪賊害萬物入體虛則中之若風邪客於皮膚入於經絡即頑痺不仁若入於筋脉挾寒則攣急喎僻挾溫客弛縱若入臟腑則恍惚驚悸凡五臟俞皆在背臟腑虛寒邪皆從俞而入隨所傷臟腑經絡而為諸病妊娠中風若不早治則令墮胎也 薛按病機機要云風本為熱熱勝則風動宜以靜勝其躁是亦養血也治法須少汗亦宜少下多汗則虛其衛多下

則損其榮雖有汗下之戒而有中臟中腑之分中腑者多著四肢則脉浮惡寒拘急不仁中臟者多著九竅則唇緩失音耳聾鼻塞目瞽便秘中腑者宜汗之中臟者宜下之表裏已和宜治在經當以大藥養之此中風之要法妊婦患之亦當以此施治而佐以安胎之藥

防風散 治妊娠中風卒倒心神悶亂口噤不能言

四肢急強

防風 去蘆

羚羊角屑

葛根

細辛 去苗

桑寄生 各壹兩

當歸 去蘆

甘菊花

漢防已 去皮

秦艽 去蘆

桂心

茯神 去木

甘草 炙各半兩

右為吹咀每服捌錢水壹中盞半生薑伍片煎至壹大盞去滓入竹瀝半合攪勻溫服無時

生犀角散 治妊娠卒中風不語四肢強直心神愠憤

生犀角屑

麻黃 去節各壹兩

防風 去蘆

赤箭

羌活

當歸

人參 各去蘆

葛根

赤芍藥 各柒錢半

甘艸 炙

秦艽 各半兩

石膏 壹兩半

右為咬咀每服捌錢煎服法如前

防已散 治妊娠中風口眼喎斜手足頑痺

防已 去皮 羌活 去蘆 防風 各去蘆

麻黃 去節 黃松木節 羚羊角 屑各壹兩

桂心 荆芥穗 薏苡仁

桑寄生 甘艸 炙各半兩

右咬咀每服五錢水壹中盞半生薑五片煎至壹大盞去滓溫服不拘時候

獨活散 治妊娠因洗頭中風身體強硬牙關緊急

失音不語並皆治之

獨活 去蘆 赤箭 麻黃 去節

阿膠 各壹兩 烏犀角屑 羌活 去蘆

防風 去蘆 天蓼木 白附子 炮各半錢

漢防已 去皮 桂心 芎藭

白僵蠶 微炒各半兩 龍腦 貳錢半細研

右為細末入研藥令勻每服貳錢薄荷湯調下不拘時

白僵蠶散 治妊娠中風口噤心膈痰涎壅滯言語不得四肢強直

白僵蠶 炒 天麻 獨活 去蘆各壹兩

麻黃去節壹兩半

烏犀角屑半兩

白附子炮

半夏湯洗半兩

天南星炮

藿香各半兩

龍腦貳錢半研

右為細末入研藥令勻每服壹錢生薑薄荷湯調下不拘時日三服

赤箭丸 治妊娠中風手足不隨筋脉緩急言語蹇澁皮膚不仁

赤箭

草薢酒浸

麻黃去節

獨活去蘆

鼠黏子

熟乾地黄

羚羊角屑各壹兩

阿膠炒

防風去蘆

芎藭

當歸炒去蘆

薏苡仁

五加皮

秦艽去蘆

漢防已去皮

栝子仁

酸棗仁炒

丹參去蘆各壹兩

右為細末煉蜜和搗三五百下丸如梧子大每服參拾丸葶淋酒送下食前

白朮酒 治妊娠中風口噤語言不得

白朮壹兩半

獨活壹兩

黑豆壹合炒

右細剉以酒參升煎取壹升半去滓溫分四服口噤者拗口灌之得汗即愈

治妊娠因感外風如中風狀不省人事

熟艾卷兩陳米醋炒令極熟以絹帛裹熨臍下
良久即省

風痙癰

大妊娠體虛受風而傷太陽之經絡後復遇風寒相
搏發則口噤背強名之曰痙又云痙其候胃悶不識
入須臾自醒良久復作謂之風痙一名子癰亦名子
胃甚則反張薛前證若心肝風熱用釣藤湯胎動肝
脾血虛加味道遙散經調肝脾鬱怒加味歸脾湯雜健
氣逆痰滯紫蘇飲肝火風熱釣藤散眩脾鬱痰滯二
陳薑汁竹瀝若兼證相雜當參照子煩門
羚羊角散 治妊娠冒悶角弓反張名曰子癰風痙
羚羊角鈎 獨活 酸棗仁炒

治前風痙 女科 百五

五加皮

薏苡仁炒

防風

當歸

酒浸

川芎

茯苓

去木

杏仁

去皮尖
各五分

木香

甘草

炙各
貳分

右薑水煎服

小品療妊娠忽悶眼不識人須更醒復發亦有不醒者名為瘧病亦名子癇亦名子冒宜葛根湯若竹近可速辨者當先作瀝汁次辨湯也其竹遠不可即辨者當先辨湯此二療會得其一種竹瀝偏療諸瘧絕起死也非但偏療妊娠產婦絕死者有效小兒或癇瘧金瘡發瘧療之亦驗

葛根湯方

治妊娠臨月因發風瘧悶憤不識人吐

逆眩倒小醒復發名曰子癇

葛根

貝母

牡丹皮

木防已

防風

當歸

川芎

白茯苓

桂心

澤瀉

甘草

獨活

石膏

人參

右細切以水九升煮取參升分三服貝母令人易產若未臨月者以升麻代之忌海藻菘菜酢物按此方犯桂與牡丹不如羚羊角散之妥

羌活酒 治妊娠中風瘳口噤四肢強直角弓反張

羌活去蘆壹兩半 防風去蘆壹兩 黑豆壹合炒

右二味為吹咀好酒五升浸壹宿每服用黑豆壹合炒令熟投入藥酒壹大盞候沸即住去滓分兩服灌之

丹治一婦人懷妊六月發癩手足揚直面紫黑色合眼涎出昏憤不醒人事半時而醒醫與震靈丹五十餘貼其疾時作時止無減證直至臨產方自愈產一女羸中子母皆安次年其夫疑丹毒必作求治之診其脉浮取弦重取瀼按至骨則沉實帶數時正二月

因未見其癩發正狀未敢與藥意其舊年癩發時乃五月欲待其時度此疾必作當審諦施治至五月半其疾果作皆是午巳兩時遂教以自製防風通聖散用生甘艸加桃仁多紅花少或服或吐至四五劑疾漸疎而輕後發為疥而愈

風前風症
女
百五

瘈瘲

薛瘈者筋脉急而縮也瘲者筋脉緩而伸也一縮一伸手足相引搐搦不已大抵與嬰孩發搐相似謂之瘈瘲也此證多屬風蓋風主搖動駱龍吉云心主脉肝主筋心屬火肝屬木火主熱木主風風火相熾則為瘈瘲也治法若因風熱用釣藤湯加柴胡山梔黃芩白朮以平肝木降心火養氣血若風痰上涌加竹瀝南星半夏若風邪急搐加全蠍僵蠶麝損氣血用八珍湯加釣藤山梔為主若無力抽搐戴眼反折汗出如汗者肝絕也皆不治一妊婦四肢不能伸服

台前瘈瘲

女

百五

祛風燥血之劑遺尿痰甚四肢抽搐余謂肝火血燥
 用八珍湯加炒黑黃芩為主佐以釣藤湯而安後因
 怒前證復作小便下血寒熱少寐飲食少思用釣藤
 散加山梔柴胡而血止用加味逍遙散寒熱退而得
 寐用六君子湯加芍藥釣藤鈎飲食進而漸安
 釣藤湯見胎動不安
 釣藤散眩暈

眩暈

消風散 治妊娠肝臟熱毒上攻太陽穴胸膈涎壅

頭旋目暈或腮項腫核

石膏煨

防風去蘆

川羌活去蘆

甘菊花去枝

川芎

羚羊角鈎

當歸酒浸去蘆

大豆黃卷炒

荆芥穗

白芷各壹錢

炙甘草半錢

右作一服水貳鍾好芽茶半錢煎至壹鍾食遠服
 犀角散 治妊娠婦人諸風執困倦時發昏眩

犀角

揀參

山梔仁

胎前 女科 百五

川羌活

黃連

青黛

川芎

吳白芷

茯苓

甘草炙各壹錢

右作一服水貳鍾生薑參片竹葉柴葉煎至壹鍾食遠服

驚悸

吳永妻孕而驚遂病悸醫以為病在中神越焉無可為沈宗常以為膽傷耳俾服抱膽丸而愈
大聖散 治妊娠怔悸睡裏多驚腹脇膨脹坐卧不寧

白茯苓去皮

麥門冬去心

黃芪去蘆蜜炙

當歸去蘆酒浸

川芎各壹錢半

木香不見火

人參

甘草炙各壹錢

右作一服水一鍾生薑伍片煎至壹鍾服無時
抱膽丸 雜病癩

胎前 女科 百五

瘖

大全孕婦不語非病也間有如此者不須服藥臨產
月但服保生丸四物湯之類產下便語得亦自然之
理非藥之功也醫家不說與人臨月則與尋常之藥
產後能語則以為醫之功豈其功也哉 黃帝問曰
人有重身九月而瘖此為何也岐伯對曰胞之絡脉
絕也帝曰何以言之岐伯曰胞絡者繫於腎少陰之
脉貫腎繫舌本故不能言帝曰治之奈何岐伯曰無
治也當十月復 郝翁治驗見前候胎條

煩口乾附

大全妊娠苦煩悶者以四月受少陰君火氣以養精
六月受少陽相火氣以養氣若母心驚膽寒多有煩
悶名曰子煩也產寶云夫妊娠而子煩者是肺臟虛
而熱乘於心則令心煩也停痰積飲在心胸之間或
衝於心亦令煩也若熱而煩者但熱而已若有痰飲
而煩者嘔吐涎沫惡聞食氣煩躁不安也大凡妊娠
之人既停痰積飲又寒熱相搏氣鬱不舒或煩躁或
嘔吐涎沫劇則胎動不安均謂子煩也 薛前證若
因肉熱用竹葉湯氣滯用紫蘇飲痰滯用二陳白朮

用前
女科四

黃芩枳殼氣鬱用分氣飲加川芎脾胃虛弱用六君
紫蘇山梔一妊婦煩熱吐痰惡食惡心頭暈此脾
虛風痰為患用半夏白朮天麻湯維眩以補元氣祛
風邪漸愈惟頭暈未痊乃用補中益氣湯加蔓荊子
以升補陽氣而愈

竹葉湯 治妊娠心驚膽怯終日煩悶名曰子煩

白茯苓 各錢 防風 麥門冬 各錢

黃芩 各貳錢

右作二服水貳鍾竹葉五片煎至壹鍾無時服

竹瀝湯出外臺秘要與前竹葉湯同內有竹瀝壹合

無竹葉 又方有知母無黃芩

竹茹湯 療妊娠煩躁或胎不安

用淡青竹刮茹壹兩以水壹大升煮取肆合徐徐

服盡為度

知母飲 治妊娠心脾壅熱咽膈渴苦煩悶多驚

知母 麥門冬 去心 赤茯苓 各壹錢

黃芩 黃芪 各貳錢 甘草 壹錢

右作二服水貳鍾入桑白皮半錢煎至壹酸再入

竹瀝些少同煎二三沸服無時

麥門冬湯 治妊娠心驚膽怯煩悶名曰子煩

治前煩

女科四

三三

麥門冬 去心
人參 壹錢半

白茯苓

防風 各叁錢

右作一服水貳鍾生薑伍片淡竹葉拾葉煎至壹鍾去滓不拘時服

麥門冬散 治妊娠心煩悶虛躁吐逆惡聞食氣頭眩四肢沉重百節疼痛多臥少起

麥門冬 去心

子苓

赤茯苓 各壹兩

茯苓

赤芍藥

陳皮

人參

苦梗

桑寄生

甘草

旋復花 各半兩

生地黃 柒錢半

右為粗末每服肆錢水壹盞薑壹錢煎至柒分不拘時溫服

又方

麥門冬

苧根 各叁兩

黃芩

茯苓 各壹兩

甘艸 炙

犀角屑 各半兩

右咬咀每服肆錢水壹盞生地黃壹分淡竹葉伍片煎至陸分去滓溫服効

柴胡散 治妊娠心煩頭目昏重心胸煩悶不思飲食

柴胡 壹兩半

赤茯苓

麥門冬 各壹兩

枇杷葉 去毛
甘草 各半兩

人參

橘紅

吹咀每服肆錢水壹盞薑參片煎至梨分服

人參散 治妊娠熱氣乘於心脾津液枯少煩躁壅熱乾渴

人參

麥門冬

赤茯苓

地骨皮

家乾葛

黃芩

犀角屑 各半兩

甘草 半兩

右吹咀每服參錢水壹盞煎至陸分去滓溫服

治妊娠心煩熱不止

葱白 壹握

豉 貳合

右以水貳大盞煎至壹錢半去滓溫分三服

一母丸 治妊娠因服藥致胎氣不安有似虛煩不

得卧巢氏謂之子煩也 出產乳

知母 貳兩

右為細末以棗肉為丸如彈子大每服壹丸煎人

參湯送下 醫者不識此證作虛煩治之損動胎

氣宜矣

煩燥口乾 夫足太陰脾之經也其氣通於口手少陰

心之經其氣通於舌若妊娠之人臟腑氣虛榮衛不

理陰陽隔絕熱乘於心脾津液枯少故令心煩而口
 乾也 薛前證若胃經實火用竹葉石膏湯若胃經
 虛熱用人參黃芪散若胃經氣虛用補中益氣湯若
 肺經虛熱用紫蘇飲若肝經火動用加味道遙散若
 脾氣鬱結用加味歸脾湯若腎經火動加味地黃丸
 一妊婦煩熱兼咽間作痛用知母散加山梔以清
 肺經而愈後內熱咳嗽小便自遺用補中益氣加麥
 門山梔以補肺氣滋腎水而痊
 升麻散 治妊娠壅熱心神煩躁口乾渴逆
 川升麻 瓜蒌根 黃芩 人參

麥門冬 柴胡 梔子仁 犀角屑

茯神各壹錢 知母 甘草各半錢

右作一服水貳鍾煎至壹鍾不拘時服

知母散 治妊娠煩燥悶亂口乾及胎臟熱

知母 麥門冬 甘州各半兩 黃芪

子芩 赤茯苓各柒錢半

右吹咀每服肆錢水壹盞煎至柒分去滓入竹瀝
 壹合更煎三沸溫服

葛根散 治婦人妊娠數月胸膈煩躁唇口乾渴身
 熱少食

家葛根

野者不用

黃芩

人參

萎蕤

黃芪

麥門冬

甘草

等分

右每服肆錢水壹盞竹茹壹團如錢大煎七分溫服無時

人參黃芪散

治妊娠身熱煩躁口乾食少

人參

黃芪

家葛根

麥門冬

赤茯苓

秦艸

各壹兩

知母

柴錢半

甘艸

每服肆錢薑水竹葉煎服

補遺人參白朮散

黃耆六一湯皆良

治子煩口乾不得卧用黃連

去鬚細末

每服壹錢粥飲調下

吐血衄血咳唾血

大妊娠吐血者皆由臟腑有傷凡憂思驚怒皆傷臟腑氣逆於上血隨而溢心悶胸滿久而不已心悶甚者死妊娠病此多墮胎也 薛前證若肝經怒火先用小柴胡山梔生地次用前藥合四物後用加味道

遙散 經調肝經風熱防風子芩丸 胎漏下血 心經有熱朱砂

安神丸 雜虛煩 心氣不足補心湯 驚悸 思慮傷心妙香散

胃經有火犀角地黄湯 吐血 膏粱積熱加味清胃散 齒齲 鬱結傷脾加味歸脾湯 健忘 肺經有火黃芩清肺飲 因氣鬱滯紫蘇飲 胎上 子氣不攝血用補中益

氣湯腎經虛火加味六味丸雜病虛勞

局方必勝散 治男子婦人血妄流溢吐血衄血嘔

血咯血

熟乾地黄

小薊并根用

人參

蒲黃微炒

當歸去蘆

芍藥

烏梅肉各壹兩

右件藥搗羅為麤散每服五錢水壹盞半煎至柔分去滓溫服不拘時

治吐血不止

馬氣勃用生布擦為末濃米飲調下

針灸
咳唾
血

治鼻衄以白茅花濃煎汁服

心妊孕寒熱往來咳嗽血痰或嘔吐不食無方或喘滿乳脊相應痛或口中唾如霜雪出語無聲或耳鳴或痰涎日夜數碗誤用熱藥之故也刺 風門 臆

戶各伍分 支溝 間使各相透

如寒熱未解百節痠痠昏憤再取 絕骨伍分 太溪

如脉氣未平瀉 太淵 太白各貳分 熱府

已上穴實瀉虛補治產前病立效此病安後半年必有一變四肢消瘦單腹腫脹即取陰交一穴去

治前此血刺血等

其惡物也

[Faint bleed-through text from the reverse side of the page]

欬嗽

大全夫肺內主氣外司皮毛皮毛不密寒邪乘之則欬嗽秋則肺受之冬則腎受之春則肝受之夏則心受之其嗽不已則傳於腑妊娠病久不已則傷胎也

薛前證若秋間風邪傷肺用金沸草散雜欬夏間

火邪尅金用人參平肺散雜喘冬間寒邪傷肺用人

參敗毒散雜傷春間風邪傷肺用參蘇飲雜發熱若脾

肺氣虛用六君等歸桔梗若血虛四物桑白皮杏仁

桔梗腎火上炎用六味丸雜虛勞加五味子煎服脾胃

氣虛風寒所傷用補中益氣雜勞倦加桑皮杏仁桔梗

月
 蓋肺屬辛金生於巳土嗽久不愈者多因脾土虛而
 不能生肺氣而腠理不密以致外邪復感或因肺氣
 虛不能生水以致陰火上炎所致治法當壯土金生
 腎水為善 一妊娠氣喘痰甚諸藥不效素有帶下
 始於目下浮兩月餘其面亦然此氣虛而有痰飲也
 用六味丸料數劑而愈 一妊婦嗽則便自出此肺
 氣不足腎氣虧損不能司攝用補中益氣湯以培土
 金六味丸加五味以生腎氣而愈 一妊婦咳嗽其
 痰上湧日五六碗許諸藥不應予以為此水洗為痰
 用六味丸料及四君子湯各一劑稍愈數劑而安

一妊婦因怒咳嗽吐痰兩脇作痛此肝火傷肺金以
 小柴胡湯加山梔枳殼白朮茯苓治之而愈但欲作
 嘔此肝侮脾也用六君子加升麻柴胡而痊
 欬冬花散 治妊娠心膈痰毒壅滯肺氣不順咳嗽
 頭疼

- | | | |
|-----|-----|----|
| 欬冬花 | 麻黃 | 貝母 |
| 前胡 | 桑白皮 | 煨 |
| 旋復花 | 白朮 | 紫苑 |
| 石膏 | | 各半 |
| 壹兩 | | 兩 |
| | | 甘艸 |
| | | 各貳 |
| | | 錢半 |

右以咀每服肆錢水壹盞薑參片煎至柒分去滓

温服

苦梗散 治妊娠肺壅咳嗽喘急

桔梗

紫蘇

人參

桑白皮

貝母

甘草 各半兩

天門冬 去心

赤茯苓 各壹兩

麻黃 朱錢半

每服肆錢水貳鍾生薑參片煎至壹鍾不拘時服

馬兜鈴散 治妊娠胎氣壅滯咳嗽喘急

馬兜鈴

桔梗

人參

甘草

貝母 各半兩

陳皮 去白

大腹子

桑白皮

紫蘇 各壹兩

五味子 貳錢半

右吹咀每服肆錢薑參片水煎

麻黃散 治妊娠外傷風冷痰逆咳嗽不食

麻黃 去節

陳皮 去白

前胡 各壹兩

半夏 湯洗

人參

白朮

枳殼 炒

貝母

甘草 各半兩

吹咀每服肆錢葱白五寸薑參片棗壹枚水煎服

百合散 治妊娠風壅咳嗽痰多喘滿

百合 蒸

紫苑茸 洗

白芍藥

赤茯苓

去皮

桔梗

炒

前胡

各去蘆

貝母

去心各壹錢半

甘草

伍分

作一服水貳鍾薑伍片煎至壹鍾不拘時服

紫苑湯

治妊娠咳嗽不止胎不安

紫苑

壹兩

桔梗

兩

甘草

杏仁

桑白皮

各貳錢半

天門冬

壹兩

右咬咀每服叁錢竹茹壹團水煎去滓入蜜半匙

再煎一兩沸溫服

局方華蓋散治妊娠咳嗽不止穩重有效見雜病咳嗽

喘

呂滄洲治經歷哈散侍人病喘不得卧衆作肺氣受風邪治之呂診之氣口盛于人迎一倍厥陰弦動而疾兩尺俱短而離經因告之曰病蓋得之毒藥動血以致胎死不一奔迫而上衝非風寒作喘也乃用催生湯加芎歸煮二三升服之夜半果下一死胎喘即止哈散密囑曰病妾誠有懷以室人見嫉故藥去之衆所不知也衆慚而去

平安散 治妊娠上氣喘急大便不通嘔吐不食腹

脇脹痛

川芎

木香各壹錢半

陳皮

熟地黄洗

乾薑炮

生薑

厚朴去粗皮製炒

甘草各壹錢

右作二服水貳鍾入燒鹽壹捻煎至壹鍾不拘時服

服

桔梗湯

馬兜鈴散並見前咳嗽條

瘡

大妊娠病瘡乃夏傷於暑客於皮膚至秋而發陽盛則熱陰盛則寒陰陽相離寒熱俱作其發晏者由風邪客於風府循脊而下衛氣至一日一夜常大會於風府故發日晏與早者衛氣之行風府日下一節二十一日下至尾骶二十二日入脊內上注於伏衝之脉其行九日出缺盆其氣既止故發更早其間日發者風邪內搏五臟橫連募原其道遠其氣深其行遲不能日作也妊娠而發多傷於胎薛前證因脾胃虛弱飲食停滯或外邪所感或鬱怒傷脾或暑邪所

胎前瘡

大牛日

高五

伏審係飲食停滯用六君子加桔梗蒼朮藿香外邪
多而飲食少用藿香正氣散雜病中風外邪少而飲食多
用人參養胃湯雜瘧勞傷元氣用補中益氣湯雜勞
若鬱怒所傷用小柴胡湯傷寒少陽病兼歸脾湯健忘若木
侮土久而不愈用六君子為主佐以安胎藥仍參三
陰三陽經而治之 一婦人因怒患瘧舉發無期久
而不已胸腹不利飲食少思吞酸吐痰用六君子加
柴胡山梔二十餘劑尋愈但晡熱少食又用四君子
加柴胡升麻為主佐以逍遙散而痊 一妊婦瘧久
不已嘔氣下氣胸腹膨脹食少欲嘔便血少寐此屬

肝脾鬱怒用歸脾湯加柴胡山梔漸愈又用六君子
湯加柴胡山梔升麻而愈 一妊婦患瘧已愈但寒
熱少食頭痛晡熱內熱此脾虛血弱也用補中益氣
湯加蔓荊子頭痛頓止又用六君子湯加芎歸飲食
頓進再用逍遙散加參朮而寒熱愈
驅邪散 治妊娠停食感冷發為瘧疾

白朮

草菓仁

高良薑炒

縮砂仁

藿香葉

橘紅

白茯苓

去皮各壹錢半甘草炙伍分

右作一服水貳鍾生薑伍片紅棗壹枚煎膏鍾不

拘時服

七寶散 治男婦一切瘧疾或先寒後熱或先熱後寒或寒多熱少或熱多寒少或一日一發或二日兩三發或連日發或間日發或三四日一發不問鬼瘧食瘧不伏水土山嵐瘴氣似瘧者並皆治之

常山

厚朴

薑製

青皮

陳皮

並不去白

甘州

檳榔

草果

去皮各等分

咬咀每服半兩於未發隔夜用水酒各壹盞煎至壹大盞去滓露一宿再用酒水煎滓一次去滓亦

露一宿來日當發之早盪溫面東先服頭藥少頃再服藥滓大有神効予嘗治一妊婦六七個月患瘧先寒後熱六脉浮緊醫用柴胡桂枝無効予曰此非常山不愈衆醫難之越數日疾甚乃從予治以七寶散一服瘧黃帝問婦人重身毒之奈何岐伯曰有故無殞帝曰何謂也岐伯曰大積木聚其可犯也衰其大半而止誠審藥物之性明治瘧之方何疑攻治哉

柴胡散

治妊娠瘧疾

柴胡

貳錢

生大黃

貳錢

生黃芩

壹錢半

甘州 壹錢

右吹咀作壹服水煎臨發日五更温服必取利為愈如胎上逼心可服枳殼散忌油麵辛熱等物

又方

用大黃 貳兩 柴胡 壹兩 黃芩 壹兩 芍藥 壹兩 為細末

清水糊為丸如梧桐子大每服百丸臨發日五

更冷湯吞下隔兩時再服伍拾丸以利為度 若

妊娠瘧疾發熱口乾渴飲無度者亦用生地黃 兩

黃芩麥門冬 法 人參知母 兩 石膏 貳兩 甘草 兩

乾葛 兩 右吹咀每服二錢入烏梅 半箇 煎服

又方

用常山 壹兩 石膏 兩 甘草 貳兩 黃芩 各半 烏梅 米個

細切以水酒各壹椀浸一宿平旦煎至壹椀去滓

分二服臨發時服

右方犯常山大黃吐下之劑若六脉浮緊有力中

有頑痰積熱者用之所謂有故無殞也其他療治

方法已備雜證瘧門茲不贅若熱甚恐致動胎者

亦如傷寒熱病治法以白藥子伏龍肝等塗臍上

下可也

月... 女... 百...

夫飲食過度觸冒風冷陰陽不和清濁相干謂之霍亂其間或先吐或腹瀉吐利是因於熱也若頭痛體疼發熱是挾風邪也若風折皮膚則氣不宣通而風熱上衝為頭痛若風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也薛按前證若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也一妊婦霍亂已止但不進飲食口內味酸泛行

霍亂

夫飲食過度觸冒風冷陰陽不和清濁相干謂之霍亂其間或先吐或腹瀉吐利是因於熱也若頭痛體疼發熱是挾風邪也若風折皮膚則氣不宣通而風熱上衝為頭痛若風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也薛按前證若因內傷飲食外感風寒用藿香正氣散若因飲食停滯用平胃散果脾胃頓傷陽氣虛寒手足逆冷者須用溫補之劑治當詳審毋使動胎也一妊婦霍亂已止但不進飲食口內味酸泛行

合前霍亂 女科四

婦人

消導寬中余曰此胃氣傷而虛熱也當用四君子湯彼不信乃服人參養胃湯嘔吐酸水其胎不安是藥復傷也仍與四君子湯俾煎熟令患者先嗅藥氣不作嘔則呷少許恐復嘔則胎為鈞動也如是旬餘愈人參白朮散

白朮

茯苓

人參

甘草

木香

藿香

各半兩 乾葛 壹兩

為末沸湯調服貳錢吐甚者加生薑汁頻頻飲之人參散治妊娠霍亂吐瀉心煩腹痛

人參

厚朴

薑製 橘紅 各貳錢

當歸 炒

乾薑

甘草

各壹錢

作一服水貳鍾薑叁片紅棗叁枚煎壹鍾服無時白朮散治妊娠霍亂腹痛吐利不止

白朮

益智仁

枳殼

橘紅

草豆蔻

煨去皮

良薑

炒各半兩

右為散每服叁錢水煎入薑半分去滓温服無時木瓜煎治妊娠霍亂吐瀉轉筋入腹則悶絕

吳茱萸

生薑

木瓜

一方有藿香

甘草

茱萸

加紫蘇煎

右細剉水貳盞煎壹盞貳分去滓分三服熱服

縮脾飲

解伏熱除煩渴消暑毒止吐利霍亂之後

服熱藥太多致煩躁宜沉井水中候冷頻服

草果仁肆兩 烏梅肉叁兩 甘草貳兩

右以咀每半兩水壹碗薑拾片煎捌分沉冷服

妊娠霍亂腹痛四肢冷逆汗出脉虛弱者理中湯治之

右四方內用乾薑豆蔻茱萸俱大溫之劑若發熱

煩渴脉數陽證者服之即效宜用後方

竹茹湯嘔吐 益元散 桂苓甘露飲 冬葵子湯並

泄瀉

醒米食所傷用六君加穀蘖麵食所傷用六君加麥

蘖肉食所傷用六君加山查若蕪寒熱作嘔乃肝木

侮脾土用六君加柴胡生薑蕪嘔吐腹痛手足逆冷

乃寒水侮土六君加薑桂不應用錢氏益黃散幼科

若元氣下陷發熱作渴肢體倦怠用補中益氣湯脾臟

若泄瀉色黃乃脾土之真色用六君加木香肉果

若作嘔不食腹痛惡寒乃脾土虛寒用六君加木香

薑桂若瀉在五更侵晨飲食少思乃脾腎虛弱五更

服四神丸瀉日間服白朮散如不應或愈而復作或

飲食少思急用八味丸雜虛補命門火以生脾土為善
 邊太常側室妊娠泄瀉自用枳朮黃連之類腹悶吐痰發熱惡寒飲食到口即欲作嘔強匙許即吞酸不快欲用祛痰理氣余曰此因脾胃傷而痰滯中脘若治痰氣復傷脾胃矣遂以參朮炮薑為末丸如黍粒不時含嚥三五丸漸加至二日後日進六君子湯而尋愈
 進士王繳徵之內懷妊泄瀉惡食作嘔余曰脾氣傷也其夫憂之強進米飲余謂飲亦能傷胃且不必強俟脾胃醒宿滯自化飲食自進不信別用人參養胃湯飲之吐水酸苦又欲投降火寒藥余

曰若然則胃氣益傷也經云損其脾胃者調其飲食適其寒溫後不藥果愈
 加味理中湯

- | | | |
|-----|----|-----|
| 人參 | 白朮 | 白芍藥 |
| 白茯苓 | 乾薑 | 黃連 |
| 藿香葉 | 木香 | 訶子肉 |
| 肉果 | 甘艸 | 各壹錢 |

水貳鍾生薑參片大棗貳枚煎壹鍾飢時服
 餘方並詳第二卷泄瀉及雜病泄瀉門

此處文字極其模糊，似有「白米」等字樣，但難以辨認。

滯下

薛治痢之法當參前篇其下黃水乃脾土虧損真色下陷也當升補中氣若黃而兼青乃肝木剋脾土宜平肝補脾若黃而兼白乃子令母虛須補脾胃若黃而兼黑是水反侮土矣必溫補脾胃若黃而兼赤乃心母益子但補中益氣若腸胃虛弱風邪客之用胃風湯或胎氣不安急補脾胃而自安矣凡安胎之藥當臨病制宜不必拘用阿膠艾葉之類地官胡成甫之內妊娠久痢自用消導理氣之劑腹內重墜胎氣不安又用阿膠艾葉之類不應余曰腹重墜下元

氣虛也胎動不安內熱盛也遂用補中益氣湯而安
又用六君子湯全愈 壺仙翁治湯總兵夫人妊娠
病痢不止翁診其脉虛而滑兩關若瀉此由胎氣不
和相火炎上而有熱似痢實非也乃用黃芩白朮以
安胎四物生地黃以調血數劑而安

本治婦人胎前產後赤白痢
當歸芍藥湯治妊娠下痢腹痛即當歸芍藥散見前心腹痛

生薑年少者百錢老者百錢取自然汁 鴨子壹枚
右將鴨子打破傾入薑汁內攪勻煎捌分入蒲黃
參錢再煎五七沸空心熱服立效

無妊娠下痢赤白絞刺疼痛

雞子壹枚烏雞者佳破孔傾出清留黃用之 黃丹壹錢入雞子殼內同
黃攪勻以厚帛糊牢固濟火上煨焙乾為細末
右每服貳錢米飲調下一服愈者是男二服愈者是女

大治妊娠素弱頻併下痢腹痛羸瘦面色痿黃不進飲食

- 厚朴壹兩半 白朮 熟地黃 川芎
- 白芍藥 當歸 乾薑 人參各壹兩
- 訶子壹錢 甘草壹錢

服法 女科四 百五

右吹咀每服肆錢薑參片水煎

又方 治妊娠下痢腹痛小便澀

當歸 黃芪 各壹兩 糯米 壹合

右細切和勻水煎分四服

羅大寧散 治妊娠下痢赤白灰色泄瀉疼痛垂歿者

黑豆 參拾伍粒 粟殼 貳兩半 生半炒 甘艸 貳兩半 生半炒

右為粗末都作一服生薑參片同煎食前服

挾熱

治妊娠挾熱下痢亦治男子常痢

黃連 黃藥 各壹升 山梔仁 貳拾枚

挾寒

療妊娠白膿痢腹中冷

乾薑 肆兩 赤石脂 陸兩 粳米 壹升 炒黃

右為細末空心米飲調下方寸七日三服

右用水柴升煎取貳升溫分參服

右吹咀每服伍錢水貳盞浸二時久煮十餘沸頓服

若嘔加陳皮 壹兩半 生薑 叁兩

黃連湯 治妊娠下痢赤白膿血不止

黃連 貳兩 厚朴 薑製 阿膠 炙

當歸 乾薑 各壹兩半 艾葉

黃藥 各壹兩

胎前 女科四

滯氣 厚朴散 治妊娠下痢黃水不絕

厚朴薑炙 參兩 黃連參兩 肉豆蔻壹箇 皮用 連

右為麤末水煮頓服

草果飲 治妊娠臍氣本虛脾胃少弱臍痛虛滑腹

臍疼痛日夜無度

厚朴薑製 貳兩 肉豆蔻壹箇 裹煨 麵

右咬咀每服參錢薑參片水同煎

大小便不通

夫妊娠大小便不通由臟腑之熱所致若太腸熱則大便不通小腸熱則小便不利太小腸俱熱則大小便俱不通更推其因而藥之 薛前證若大腸血燥用四物湯加條芩桃仁大腸氣滯用紫蘇飲加杏仁條芩腸胃氣虛用六君子加紫蘇杏仁肝脾蘊熱用龍膽瀉肝湯心肝虛熱用加味逍遙散加車前子亞卿李蒲汀側室妊娠大小便不利或用降火理氣之劑元氣反虛肝脉弦急脾脉遲滯視其面色青黃不澤余曰此鬱怒所致也用加味歸脾湯為主佐

胎前 大小便不通 女科四

峻劑

以加味道遙散而安 主政王天成之內妊娠痢疾
愈後二便不通其家世醫自用清熱之劑未効余診
其脉浮大而瀦此氣血虛也朝用八珍湯加桃仁杏
仁夕用加味道遙散加車前子而瘥

小品療妊娠子淋大小便並不利氣急已服豬苓散
不瘥宜服甘遂散下之

甘遂散方 用泰山赤皮甘遂貳兩 右一味為末以

白蜜貳合和服如豆大壹粒覺心下煩得微下者

日一服下之後還服豬苓散不得下日兩服漸加

至半錢以微利為度經心錄同○此藥太峻不可輕用

豬苓散 療妊娠小便澀痛兼治胎水

豬苓伍兩 為末白湯調方寸匕加至貳七日二夜

一二不瘥宜轉下之服前藥

葵子湯古今錄驗 治妊娠得病六七日以上身熱入臍

大小便不利安胎除熱

葵子貳升 滑石肆兩

右以水伍升煮取壹升去滓盡服須臾當下便愈

又方 葵子壹升 川朴貳兩 每服參錢水煎溫服

治妊娠大小便不通心腹脹滿妨悶不欲飲食手足

煩熱

利大腸

檳榔

赤茯苓

大腹皮

木通

郁李仁

北五味

桑寄生

甘草

苦梗

右為粗末每服參錢水壹盞煎至陸分温服

治妊娠大小便不通熱閉心膈腹脇脹悶妨害飲食

大黃

木通

檳榔

枳殼

大腹子

訶子

右為末以童便壹盞葱白二寸同煎至陸分調下

貳錢

當歸散

治胎前諸疾或因怒中氣衝子臟或衝胎

脉腹急肚脹腰腹時疼不思飲食四肢浮腫氣急時喘大便忽難小便忽澁產門忽腫

當歸

赤茯苓

枳殼

白芍藥

川芎

川白薑

木香

粉草

右咬咀每服參錢水壹盞半生薑參片煎至捌分去滓無時温服如稟受氣弱及南人枳殼減半如氣實及北人於內加分兩服之或連日大便

秘澁加蜜同煎

初虞世治妊娠大便秘澁方

治前大便不通

枳殼 叁兩

防風 貳兩

炙草 壹兩

右為細末沸湯點服壹貳錢空心日三

又治虛羸大便秘方

枳殼 製

阿膠 炒各等分

右為細末煉蜜和劑杵貳叁千下丸如梧子大別

研滑石末為衣温湯下貳拾丸半日來未通再服

叁拾丸止於伍拾丸

又方

車前子 壹兩

大黃 炒半兩

右為細末每服叁錢空心蜜湯調下

大腹皮湯

治妊婦大小便不通

枳殼

大腹皮

赤茯苓 各壹兩

甘草 貳錢

右為末蔥白湯調下貳錢

補遺局方八正散

治妊婦心經蘊熱臟腑秘結木

腸不通小便赤澀癰閉 見雜病淋

右陳良甫氏所錄諸方今並存之內甘遂朴硝非

至實至危不得已而為之不可輕用其它亦宜審

訂而用之仍味薛氏之說而參之以雜病諸方法

庶無誤也

...甘草 遺餘
...大頭文 命效驗大小更不
...衣芥本細

小便不通

大妊娠小便不通為小腸有熱傳於胞而不通耳若兼心肺氣滯則致喘急陳無擇云妊娠胎滿逼胞多致小便不利若心腎氣虛清濁相干則為諸淋若胞系了戾小便不通名曰轉胞若胎滿尿出名曰遺尿丹轉胞病胎婦稟受弱者憂悶多者性急躁者食味厚者大率有之古方皆用滑利疎導藥鮮有應効因思胞為胎所壓展在一邊胞系了戾不通耳胎若舉起懸在中央胞系得疎水道自行然胎之墜下必有其由一日吳宅寵人患此脉之兩手似厓重取則

胎前小便不通

文身四

百五七

弦左手稍和予曰此得之憂患潛為血少氣多弦為有飲血少則胞弱而不能自舉氣多有飲中焦不清而隘則胞知所避而就下故喜墜遂以四物湯加參朮半夏陳皮生甘草生薑空心飲隨以指探喉中吐出藥汁候少頃氣定又與一貼次日亦然如是八貼而安此法果為的確恐偶中耳後有數人歷歷有效未知果何如耶仲景云婦人本肌盛頭舉身滿今反羸瘦頭舉中空臧胞系了戾亦致胞轉其義未詳必有能知之者一婦人四十一歲妊孕九箇月轉胞小便不出三日矣下急脚腫不堪存活來告急予往

視之見其形瘁脉之右澹而左稍和此飽食而氣傷胎系弱不能自舉而下墜壓著膀胱偏在一邊氣急為其所閉所以水竅不能出也轉胞之病大率如此予遂製一方補血養氣血氣既正胎系自舉則不下墜方有安之理遂作人參當歸身尾白芍藥白朮帶白陳皮炙甘州半夏生薑煎濃湯與四貼任其叫嗽至次早又與四貼藥查作一貼煎令頓飲之探喉令吐出此藥湯小便立通皆黑水後就此方加大腹皮枳殼青蔥葉縮砂仁二十貼與之以防產前後之虛果得就寧平安產後亦健一婦人妊娠七八箇月

患小便不通百醫不能利轉加急脹診其脉細弱予
意其血氣虛弱不然水載其胎故胎重墜下壓住膀胱
下口因此溺不得出若服補藥升扶胎起則自下
藥力未至愈加急滿遂令一老婦用香油塗手自產
門入托起其胎溺出如注脹急頓解一面却以人參
黃芪升麻大劑煮服或少有急滿仍用手托放取溺
如此三日後胎漸起小便如故 薛前證亦有脾肺
氣虛不能下輸膀胱者亦有氣熱鬱結膀胱津液不
利者亦有金為火燦脾土濕熱甚而不利者更當詳
審施治 司徒李杏崗仲子室孕五月小便不利諸

藥不應余曰非八味丸不能救不信別用分利之藥
肚腹腫脹以致不起 儒者王文遠室患此小腹腫
脹幾至於殆用八味丸一服小便滴瀝再以前丸之
料加車前子一劑即利肚腹頓宛而安

仲問曰婦人病飲食如故煩熱不得卧而反倚息者
何也師曰此名轉胞不得溺也以胞系了戾故致此
病但利小便則愈宜腎氣丸主之即八味丸方見雜
病虛勞每以酒下

拾伍丸至貳
拾九日再服
產療小便不通及胞轉桑螵蛸搗末米飲服方寸七

日三

台前小便不通

六十四

卷七

仲妊娠有冰氣重身小便不利洒淅惡寒起即頭眩
葵子茯苓散主之

葵子

茯苓各參兩

右二味杵為散飲服方寸匕日三服小便利則愈
妊娠小便難飲食如故歸母苦參丸主之

當歸

貝母

苦參各肆兩

右為末煉蜜丸如小豆大飲服參丸加至拾丸男子

加滑石半兩

大治妊娠卒不得小便杏仁一味去皮尖搗丸如綠
荳大燈心湯吞柒丸立利

丹朱宅婦人三十餘歲懷胎四個月大小便閉因與
通利冬葵子等藥已通但氣未順此由性急血耗氣
亂須和其氣滋其血乃安

陳皮

青皮

芍藥壹錢

人參

歸身尾

川芎

地黃

白朮兩半

茯苓

木通

甘草貳分

獨聖散

治妊娠小便不通

右用蔓荆子為末每服貳錢食前濃煎蔥白湯調
下

婦前
女科四
頁全

淋

大妊娠小便淋者乃腎與膀胱虛熱不能制水然妊
婦胞繫於腎腎間虛熱而成斯證甚者心煩悶亂名
曰子淋也 醒前證若頸項筋攣語瀆痰甚用羚羊
角散身體痛若小便濇少淋瀝用安榮散若肝經濕熱
用龍膽瀉肝湯前陰諸疾若肝經虛熱用加味逍遙散腿
足轉筋而小便不利急用八味丸緩則不救若服燥
劑而小便頻數或不利用生地黄茯苓牛膝黃蘗知
母芎歸甘草若頻數而色黃用四物加黃蘗知母五
味麥門玄參若肺氣虛而短少用補中益氣加山藥

台前淋

女科四

頁全

[Faint bleed-through text from the reverse side of the page]

麥門若陰挺痿痺而頻數用地黃丸若熱結膀胱而
不利用五淋散淋若脾肺燥不能化生宜黃芩清肺
飲淋若膀胱陰虛陽無所生用滋腎丸淋若膀胱陽
虛陰無所化用腎氣丸一婦人每怒發熱脇脹小
便淋瀝如遇經行旬餘未已受胎三月因怒前證復
作朝用加味道遙散夕用安胎飲各一劑而安五月
又怒復下血如經行四日未止仍用前藥而愈一
妊娠飲食後因惱怒寒熱嘔吐頭痛惡寒胸腹脹痛
大便不實其面青色小便頻數時或有血服安胎止
血之劑益甚余曰寒熱嘔吐而腹脹此肝木剋脾土

而元氣傷也大便秘不實而面青此飲食傷脾兼肝侮
土也小便頻數而有血此肝熱傳胞而兼挺痿也用
六君子加枳殼紫蘇山梔一劑脾胃頓醒又用加味
逍遙散加紫蘇枳殼一劑小便頓清後節飲食調理
而安

地膚大黃湯外臺

療妊娠子淋宜下

川大黃

地膚草各叁兩

知母

黃芩

豬苓

赤芍藥

通艸

川升麻

枳實

甘草各貳兩

胎前
女科四
頁五
右吹咀每服肆錢水壹盞煎柴分去滓溫服

療妊娠患淋小便澁不利小腹水道熱痛

冬葵子 升 芍藥 貳兩 黃芩

赤茯苓 車前子 各叁兩

右吹咀以水柒升煎至貳升溫分三服

療妊娠數月小便淋瀝疼痛心煩悶亂不思飲食

瞿麥穗 赤茯苓 桑白皮

木通 葵子 各壹兩 黃芩 車前子 各半兩

芍藥 枳殼 車前子 各半兩

右為粗末每服肆錢水壹盞煎至陸分溫服

安榮散 治妊娠小便澁少遂成淋瀝

麥門冬 去心 通草 滑石

人參 細辛 各貳錢 當歸 去蘆 酒浸

燈草 甘州 各半兩

右為細末每服貳錢不拘時麥門煎湯調服

大腹皮散 治妊娠大小便赤澀

大腹皮 枳殼 去白 炒 甘州 各壹錢

赤茯苓 去皮 參錢

右為細末每服貳錢不拘時濃煎蔥白湯調下

經心錄療妊娠患子淋小便數出少或熱疼痛及子

胎前

女科四

頁五

煩上

地膚子參兩

右細切水肆升煮取貳升半去滓分三服日三服
補遺治胎前諸般淋瀝小便不通

檳榔

赤芍藥各等分

右剉每服伍錢水煎溫服甚效

豬苓散 療妊娠子淋小便澀痛方見前大便不通

遺尿

薛若脬中有熱宜用加味道遙散若脾肺氣虛宜用
補中益氣湯加益智若肝腎陰虛宜用六味丸一
妊婦遺尿內熱肝脉洪數按之微弱或兩太陽作痛
脇肋作脹余以為肝火血虛用加味道遙散六味地
黃丸尋愈後又寒熱或發熱或悲怒前證仍作用八
珎散逍遙散兼服以清肝火養肝血而痊
白薇散 療妊娠胎滿不知小便出時見前三卷遺尿
桑螵蛸散 治妊娠小便不禁

桑螵蛸貳拾枚炙黃

胎前遺尿

女科四

百六六

右為細末每服貳錢空心米飲調下
又方 益智仁為末米飲下亦效

尿血

大妊婦勞傷經絡有熱在內熱乘於血血得熱則流
溢滲入腠故令尿血也 薛前證因怒動火者宜小
柴胡湯加山梔因勞動火者宜用補中益氣湯若因
厚味積熱宜用清胃散雜病加犀角連翹甘草若因
肝經血熱宜用加味道遙散若因脾氣下陷宜用補
中益氣湯若因脾虛血熱宜用加味道遙散 一妊
婦因怒尿血內熱作渴寒熱往來胸乳間作脹飲食
少思肝脉弦弱此肝經血虛而熱也用加味道遙散
六味地黄丸兼服漸愈又用八珍湯加柴胡丹皮山

梔而痊

千金療妊娠卒下血及子淋方

葵子 壹升研

右以水五升煮取貳升分温三服

又方 生艾葉 壹斤研冬用

右以酒伍升煮取貳升分三服

又方 生地黄 壹升切

右以酒四升煮取貳升分温三服亦療落身後血

續斷湯 治妊娠下血及尿血

當歸

生地黄 各壹兩

續斷 半兩

赤芍藥 貳錢半

右為末空心蔥白煎湯調下貳錢

療妊娠尿血方

阿膠

熟地黄 各等分

右為細末空心粥飲調下貳錢

補遺薑蜜湯 治妊娠小便尿血

生薑 柒片

蜜 半盞

白茅根 壹握

右入水濃煎服

五苓散去桂加阿膠 同為粗末每服肆錢用車前

子白茅根濃煎温服

治前尿血

女科四

白茅根

又方 白茅根濃煎湯吞酒蒸黃連丸

Faint bleed-through text from the reverse side of the page, including characters like 白茅根, 酒蒸, 黃連, 丸.

眼目

一婦將臨月忽然兩目失明不見燈火頭痛眩暈項
腮腫滿不能轉頸諸治不瘥反加危困偶得消風散
服之病減七八獲安分挽其眼弔起人物不辨乃以
四物湯加荆芥防風更服眼科天門冬飲子二方間
服目漸稍明大忌酒麵煎炙鷄羊鵝鴨豆腐辛辣熱
物并房勞此證因懷妊多居火間衣著太煖伏熱在
內或酒麵炙燂太過以致胎熱也
天門冬飲子 治妊娠肝經風熱上攻眼目帶弔失

明

合前眼目

女科四

百九

天門冬

去心

知母

防風

去蘆

羌蔚子

茯苓

去皮

五味子

川羌活

去蘆

人參

各壹錢

右作一服水貳鍾生薑叁片煎至壹鍾食後服

陳良甫記管先生治一妊娠四五箇月臟躁悲傷遇
晝則慘慄淚下其象若神靈如有所憑醫與巫皆
無益與仲景大棗湯一投而愈 薛前證或因寒水
攻心或肺有風邪者治當審察 一妊婦無故自悲
用大棗湯二劑而愈後復患又用前湯佐以四君子
加山梔而安 一妊婦悲哀煩躁其夫詢之云我無
故但自欲悲耳用淡竹茹湯為主佐以八珍湯而安
仲景婦人臟躁悲傷欲哭象如神靈所作數欠伸甘
麥大棗湯主之

臟躁悲傷

陳良甫記管先生治一妊娠四五箇月臟躁悲傷遇
晝則慘慄淚下其象若神靈如有所憑醫與巫皆
無益與仲景大棗湯一投而愈 薛前證或因寒水
攻心或肺有風邪者治當審察 一妊婦無故自悲
用大棗湯二劑而愈後復患又用前湯佐以四君子
加山梔而安 一妊婦悲哀煩躁其夫詢之云我無
故但自欲悲耳用淡竹茹湯為主佐以八珍湯而安
仲景婦人臟躁悲傷欲哭象如神靈所作數欠伸甘
麥大棗湯主之

合前臟躁悲傷

甘麥大棗湯方

甘州 卷兩

小麥 壹升

大棗 拾枚

右以水陸升，煮取參升，溫分三服，亦補脾氣。許學士云：鄉里有婦人，數次無故悲泣不止，或謂之有祟，祈禳請禱，備至終不應。予忽憶金匱有一證云：婦人臟躁，悲傷欲哭，象如神靈，數欠伸者，宜甘麥大棗湯。予急令治，藥盡劑而愈。古人識病制方，種種絕妙如此。

淡竹茹湯

治妊婦心虛驚悸，臟躁悲傷不止，又治

虛煩甚效。

麥門冬 去心

小麥

半夏 湯泡各

人參

白茯苓 各壹兩半

甘草 壹兩

右剉散，每服肆錢，薑五片，棗壹枚，淡竹茹壹團，如指大，同煎，溫服。

又方 治胎臟躁，自悲自哭，自笑。

右以紅棗燒存性，米飲調下。

妊娠病可下胎斷胎

人全妊娠羸瘦或挾疾病臟腑虛損氣血枯竭既不能養胎致胎動而不堅固終不能安者則可下之免害妊婦也 薛前證宜用腰腹背痛門方論主之其胎果不能安者方可議下慎之慎之 鴻臚張淑人痢疾後胎動心神不安肢體殊倦用八珍散二十餘劑漸愈因勞加煩熱頭痛以大劑補中益氣湯加蔓荊子治之熱痛頓止仍用前散又五十餘劑而安其後生產甚易 今大中丞許少薇公向令金壇時未人胎漏療治不止時迫於上計公欲因其勢遂下之

胎前丁胎斷胎

女科

百

此方同前證服
白茯苓
小麥
甘草
半夏

謀於余余第令服佛手散以為可安即安不可安即下順其自然而已既數服公憂疑不決女科醫者檢方以進乃用牛膝壹兩酒煎服謂牛膝固補下部藥耳用之何害公遂信而服之而胎果下余時有從母之戚未及知比知而馳至則聞盈庭皆桂麝氣蓋因胞衣未下許醫又進香桂散矣血遂暴下如大河決不可復止亟煎獨參湯未成而卒公哀傷甫定而過余謝且諭余曰牛膝補藥而能墮胎何也余對曰生則宣而熟則補故破血之與填精如箭鋒相拄豈獨牛膝哉鹿角亦墮胎破血而煎為白膠則安胎止血

因其熟而信其生此之謂粗工公歎恨無已余故特著之以為世戒

大全治妊娠母因疾病胎不能安可下之取七月七日法麪作大肆兩水貳大盞煎取壹盞參分綿濾去滓分溫三服立下又方太麪伍升清酒壹斗煮二沸去查分五服隔宿勿食但再服其子如糜母無疾苦傳千金不又方麥蘖壹升為末和水煮貳升服之即下神又方附子貳枚為末以淳苦酒和塗右足去之大良又方取雞子壹枚以三指撮鹽放雞子中服之立出

胎前下胎斷胎

女科四

百三

按陳良甫所列有牛膝湯桂心散諸方婁全善皆不之取而獨取此數方其見卓矣

斷產丹斷子法 用白麵麩壹升無灰酒伍升打作糊煮貳升半用絹帛濾去渣作參服候前月經將來日晚下吃一服次日五更吃一服天明吃一服月經即行終身絕子

大斷產驗方故蠶紙方圓壹尺燒為末酒飲調服終身不復懷孕 又方用油煎水銀二白方息空心服棗核大壹丸永斷孕不損人

四物湯每服伍錢加甘薑子貳錢於經行後空心溫

服

薛前云用蠶故紙尺許燒灰為末產後酒服之血虛者終不復孕大抵斷產之劑多用峻厲往往有不起者是則產之害未若斷產之害也吾聞閣老張羅峰太常李恒齋俱因服斷產之劑自謂形體俱怯遇勞必病有由然矣

按夷堅志載東京女子白牡丹以售墮胎藥生得惡報今雖列如上方以備萬一之用用者尚其慎之

胎自墮

丹陽施陰化胎孕乃成血氣虛損不足營養其胎自
墮或勞怒傷情肉火便動亦能墮胎推原其本皆因
於熱火能消物造化自然病源乃謂風冷傷於子臟
而墮此未得病情者也予見賈氏婦但有孕至三月
左右必墮診其脉左手大而無力重取則濇知其血
少也以其妙年只補中氣使血自榮時正夏初教以
濃煎白朮湯下黃芩末壹錢服三四十貼遂得保全
其生因而思之墮因肉熱而虛者於理為多曰熱曰
虛當分輕重蓋孕至三月正屬相火所以易墮不然

胎前胎自墮

女科四

百七十五

胎前胎自墮
丹陽施陰化胎孕乃成血氣虛損不足營養其胎自
墮或勞怒傷情肉火便動亦能墮胎推原其本皆因
於熱火能消物造化自然病源乃謂風冷傷於子臟
而墮此未得病情者也予見賈氏婦但有孕至三月
左右必墮診其脉左手大而無力重取則濇知其血
少也以其妙年只補中氣使血自榮時正夏初教以
濃煎白朮湯下黃芩末壹錢服三四十貼遂得保全
其生因而思之墮因肉熱而虛者於理為多曰熱曰
虛當分輕重蓋孕至三月正屬相火所以易墮不然

胎前

女科四

百七十五

何以黃芩熟艾阿膠等為安胎妙藥耶好生之工幸
無輕視。一婦年三十餘或經住或成形未具其胎
必墮察其性急多怒色黑氣實此相火太盛不能生
氣化胎反食氣傷精故也因令住經第二月用黃芩
白朮當歸甘州服至三月盡止藥後生一子。一婦
經住三月後尺脉或潛或微弱其婦却無病知是子
宮真氣不全故陽不施陰不化精血雖凝終不成形
至產血塊或產血胞。一婦腹漸大如懷子至十月
求易產藥察其神色甚困難與之藥不數日生白蟲
半桶蓋由婦之元氣太虛精血雖凝不能成胎而為

穢腐蘊積之久濕化為熱濕熱生蟲理之所有亦須
周十月之氣發動而產終非佳兆其婦不及月死濕
熱生蟲譬之溝渠污濁積久不流則諸蟲生于其間
矣。汪石山治一婦長瘦色黃白性躁急年三十餘
常患墮胎已七八見矣診其脉皆柔軟無力兩尺雖
浮而弱不任尋按曰此因胎墮太多氣血耗甚胎無
滋養故頻墮譬之水涸而木枯土削而木倒也况三
月五月正屬少陽火動之時加以性躁而急發之故
墮多在三五七月也宜大補陰湯去桂加黃蘗黃芩
煎服仍用研末蜜丸服之庶可保生服半年胎固而

生二子 錢仲陽治一孕婦病醫言胎且墮錢曰妊者五臟傳養率六旬乃更候其月偏補之何必墮已而母子皆全 陳斗嵩治一婦有胎四月墮下逾旬腹腫發熱氣喘脉洪盛面赤口鼻舌青黑陳診之曰脉洪盛者胎未墮也面赤心火盛而血乾也舌青口鼻黑肝既絕而胎死矣內外皆曰胎墮久矣復診色脉如前以蛇蛻煎湯下平胃散加芒硝歸尾一倍服之須臾腹鳴如雷腰腹陣痛復一死胎隨下病亦愈 程仁甫治一婦年近四十稟氣素弱自去其胎五日内漸漸腹脹如鼓至心前上吐不能食用補藥不

効診六脉微弱但只叫脹死此乃損傷脾氣而作脹然急則治其標若泥丹溪法恐緩不及事矣用桃仁承氣加枳實厚朴倍硝黃煎服四分吐去其一次早仍不通事急又服琥珀丸三錢至申時大通脹減但體倦四肢無力口不知味發熱再用參芪歸芍查木陳皮入劑而安 江應宿治汪鎬妻三十五歲厭產誤服打胎藥下血如崩旬餘腹痛一陣即行或時鼻衄諸藥不効診得六脉數而微弦乃厥陽之火泛逆投四物換生地黃加阿膠炒黑山梔蒲黃一劑愈 薛氏云太抵治法須審某月屬某經育養而藥之

濟生芎藭補中湯

治懷孕血氣虛弱不能衛養以

致數月而墮名曰半產

每見婦人孕不能滿一月而損墮得服此遂安全

芎藭

五味子

阿膠

乾薑 炮各壹錢

黃芪 去蘆蜜炙

當歸 酒浸

白芍藥

白朮 各壹錢半

杜仲 去粗皮炒去絲

人參

木香 不見火

甘草 各伍分炙

右作一服水貳鍾煎至壹鍾不拘時服

阿膠湯 治妊娠數墮胎小腹疴痛不可忍

阿膠 炙煉

熟乾地黄 焙

艾葉 微炒

芎藭

當歸 切焙

杜仲 去粗皮炙

白朮 各壹兩

右咬咀每服肆錢水壹盞半棗參枚擘破同煎至

捌分去滓食前溫服

杜仲丸 治妊娠三兩箇月胎動不安防其欲墮宜

預服之

杜仲 薑製炒去絲

續斷 酒浸各貳兩

為末煮棗肉杵丸梧子大每服柒拾丸米飲下

四製艾附丸 治婦人數墮胎由氣不升降所以胎

氣不固尤宜服此

香附

杵去毛本壹斤分四分一分酒浸一分醋一分童便一分鹽水各浸七日取出焙乾

胎前 胎自墮

女科 回

百三

為細末醋煮糊和丸梧子大每服柒拾丸空心温
酒下肥人只依本方瘦人加澤蘭葉赤茯苓各貳
兩
一方用香附子壹斤艾葉肆兩當歸貳兩俱
用醋煮
刪繁方 治妊娠懷胎數落而不結實或冷或熱百
病之源經心
錄同

甘草

黃芪

人參

川芎

白朮

地黃

吳茱萸

各等分
有當歸乾薑
一方

右為末空心温酒調貳錢忌菘菜桃李雀肉醋物
婁按丹溪論俱是虛熱而無寒者今姑存此一方

以俟施之于千百而一者也

醋附丸

治數墮胎方見
血崩

千金療妊娠三箇月胎欲墮方灸膝下壹寸柒壯

妊子不成時時墮胎後漏下五色疼痛灸胞門關門
左邊

二寸名胞門右
邊二寸名子宮

胎墮後為半產夫妊娠日月未足胎氣未全而產者

謂之半產蓋由妊婦衝任氣虛不能滋養於胎胎氣
不固或擷撲閃墜致氣血損動或因熱病温瘧之類
皆令半產仲景謂寒虛相搏此名為革婦人刺半產
漏下是也又云半產俗呼小產或三四月或五六

月皆為半產以男女成形故也或因憂恐悲哀暴怒或因勞力打撲損動或觸冒暑熱忌黑神散恐犯熱藥轉生他疾宜玉燭散和經湯之類便產須知云小產不可輕視將養十倍於正產可也又云半產即肌肉腐爛補其虛損生其肌肉益其氣血去其風邪養其臟氣將養過於正產十倍無不平復宜審之薛小產重於大產蓋大產如栗熟自脫小產如生採破其皮殼斷其根蒂也但人輕忽致死者多治法宜補形氣生新血去瘀血若未足月痛而欲產芎歸補中湯倍加知母止之若產而血不止人參黃芪湯補之

若產而心腹痛當歸川芎湯主之胎氣弱而小產者八珍湯固之若出血過多而發熱聖愈湯汗不止急用獨參湯發熱煩躁肉瞤筋惕八珍湯大渴面赤肌洪而虛當歸補血湯身熱面赤肌沉而微四君薑附東垣云晝發熱而夜安靜是陽氣自旺於陽分也晝安靜而夜發熱是陽氣下陷於陰中也如晝夜俱發熱者是重陽無陰也當峻補其陰王太僕云如大寒而甚熱之不熱是無火也熱來復去晝見夜伏夜發晝止時節而動是無火也如大熱而甚寒之不寒是無水也熱動復止條忽往來時動時止是無水也若

陽氣自旺者補中益氣湯陽氣陷於陰者四物二連
湯重陽無陰者四物湯無火者八味丸無水者六味
丸一妊婦五月服剪紅丸墮胎腹中脹痛服破血
藥益甚手按之愈痛余曰此峻藥重傷脾胃受患用
八珍倍參芪半夏乳沒二劑痛止數劑全愈 史仲
子室年甫二十夜胎墮時咳服清肺解表喘急不寐
請視余曰脾土虛不能生肺金藥重損之與補中益
氣加茯苓半夏五味炮薑四劑漸愈再往視又與八
珍加五味及十全大補湯而全愈 陳氏婦張素怯
弱生女自乳因病疥年餘遂致羸困復因執喪禮勞

頓數欲眩仆一日感氣忽患心脾高腫作疼手不可
按嘔吐不止六脉微細之極陳翁自以脉雖虛而病
形則實誤臆諸痛不可補氣乃用青皮香附吳萸等
藥而愈繼復患瘡且墮胎又自投理氣行血之藥病
去元氣轉脫再投參芪補劑不應矣六脉如絲欲絕
思非附子不能起因亟請薛診之云此由理氣損真
之誤也連投參芪歸朮附子薑桂六劑間用八味丸
五日眠食漸甘六脉全復薛諭之云向使心脾疼時
卽服此藥瘡亦不作矣 一妊婦墮胎昏憤不省自
汗發搐時吐痰自用養血化痰之劑昏憤不省痰涎

湧出彼以為中風欲用祛風化痰予曰此屬脾氣虛
 寒所致遂用十全大補加炮薑二十餘劑尋愈
 生地黃湯 治妊娠胎氣損動氣血不調或癩撲閃
 墜以致胎墮墮後惡滯不盡腹中疝痛
 生乾地黃焙壹兩 大黃暴煨 芍藥
 白茯苓去黑皮 當歸切炒 細辛去苗
 甘草炙 黃芩去黑皮 桂去粗皮
 右咬咀每服伍錢匕水壹盞半入生薑大棗拍碎
 同煎至壹盞去滓不拘時溫服
 人參湯 治半產後血下過多心驚體顛頭白運轉

或寒或熱臍腹虛脹疼痛

人參

麥門冬去心

生乾地黃焙

當歸

洗焙

芍藥

黃芪

白茯苓

去皮

甘草

炙各壹兩

大墮胎後復損經脈而下血不止甚則煩悶至死皆
 以調補胃氣為主 薛前證若肝經血熱用四物參
 朮山梔肝經風熱用防風黃芩丸肝經怒火用加味
 逍遙散脾經氣虛用四君歸地脾經鬱滯用加味歸
 脾湯氣滯不和用紫蘇飲胃氣下陷用補中益氣湯

血下不止

胎前產後

女科

卷三

人參黃芪湯 治小產氣虛血下不止

人參 黃芪炒 當歸

白朮炒 白芍藥炒 艾葉各壹錢

阿膠炒貳錢 右作一劑水煎服

治妊娠損動下血不止腹痛宜服此

阿膠壹兩 艾葉兩半 水壹大盞煎六分去滓空心服

治妊娠損動下血不止方

甘草壹兩 阿膠貳兩 雞子壹個 右以水貳大盞煮甘草

壹盞參分去滓下雞子膠候膠烊攪勻分三服

龍骨散 療因損娠下惡血不止

龍骨 當歸 地黃各貳兩

艾葉壹兩 地榆 阿膠

芍藥 芫薑各壹兩 蒲黃壹兩貳錢半

牛角鯁炙隻貳兩半 右食前用米飲調下貳錢

千金療落胎下血不止方

右以生地黃汁壹小盞調代楮石末壹錢日三服

治妊娠下血不止疼痛方亦治小便不禁

家雞翎燒灰 細研以溫酒調下貳錢如人行五

里再服以効為度

千金療妊娠胎墮下血不止方

治前洋產

以丹參拾貳兩細切酒五升者取參升分三服
補遺催生如神散妙

又方 香附子為末米飲調下

當歸酒 治妊娠墮胎後血不出

當歸香多冷 芍藥炒各

吹咀每服參錢匕無灰酒壹盞入生地黃汁壹合

銀器內慢火煎至梨分去滓溫服以惡血下為度

烏金散 治妊娠墮胎後惡血不下兼治諸疾血病

好墨貳兩折貳寸挺子燒通赤用好醋壹升

沒藥研 麒麟竭各貳錢半 麝香壹錢

右為細末每服溫酒調下壹錢匕如血迷心用童
便加酒調下貳錢匕

治妊娠墮胎後血不出少腹滿痛

用羚羊角燒灰細研如麵每服參錢不拘時以豆
淋酒調下

治妊娠墮胎下血不盡苦煩滿欲極時發寒熱狂悶

鹿角屑壹兩熬 右用水壹大盞煎鼓壹合取

汁陸分分三服調鹿角屑貳錢服日三須臾血下

紅藍花散 治墮胎後血不出奔心悶絕不識人

紅藍微熬 男子髮燒存 京墨燒紅

治前...

血竭 研

蒲黃 隔紙炒 各等分

右為細末以童便小半盞調貳錢服之立効

白蜜湯 治墮胎後惡血不出

白蜜 貳兩

生地黄 壹盞 取汁

酒 半盞

右汁與酒共入銅器中煎五七沸入蜜攪勻分兩服服二劑百病可愈

豬膏飲 治墮胎血不出上搶心疼痛煩憤

豬膏 柒合

白蜜 叁合

生地黄 兩 切貳

右先將豬膏地黄相和煎令赤色去地黄內蜜攪勻分溫二服相次再服

胎衣不出

當歸湯 治妊娠墮胎胞衣不出

當歸 切炒

牛膝 酒浸切焙 各壹兩半

木通 剉

滑石 研各 貳兩

冬葵子 炒貳 合

瞿麥穗 壹兩

右吹咀每服叁錢水壹盞半煎至柒分去滓溫服未下再服以下為度

地黄湯

蒲黃 炒

生薑 切炒各 貳錢半

生地黄 半兩 以銅 竹九切炒

右以無灰酒叁盞於銀器內同煎至貳盞去滓分三服未下再作服

澤蘭湯

胎前 半產

澤蘭葉

切研

滑石末

各半

生麻油

少許

右以水參盞先煎澤蘭至壹盞半去滓入滑石末并油更煎參沸頓服之未下更服

蒲黃酒

作丸名

蒲黃

炒壹合

槐子

拾肆枚

右以酒參盞煎至貳盞去滓分溫二服未下更作服又治妊娠不足月欲產腹痛為未蜜丸酒下

治墮胎胞衣不出腹中疔痛牽引腰脊下並用蟻窟土參升炒熟帛裹搗心下胞自出也

又方好墨細研末溫酒調下貳錢頓服効

治妊娠胎死腹中衣不出及產後卒有別病欲至狼

狽方 刺熱羊血飲一小盞極効

又方以水噴其面神驗加醋少許

又方洗兒水半盞令母服其衣即出勿令產婦知

又方治胞衣未下腹滿則殺入

用水壹盞煮豬脂壹兩煎十數沸和脂服之當下

又方出如以雞子壹枚取清吞之

又方出如用鐵斧燒令通赤投酒中沸定則出飲之

當歸川芎湯 治小產後瘀血心腹痛或發熱惡寒

當歸

川芎

熟地黃

自製

腹痛

治前

治前

治前

白芍藥炒

玄胡索炒

紅花

香附

青皮炒

澤蘭

牡丹皮

菝仁各等分

右水煎入童便酒各小半盞服

若以手按腹愈痛此瘀血為患宜此藥或失笑散消之若按之不痛此是血虛宜四物參苓白朮若痛而作嘔此是胃虛宜六君子若痛而作瀉此是脾虛宜六君子送二神丸

芎藭

芍藥

白朮

阿膠炒令燥

甘州炙各壹兩

右咬咀每服參錢水壹盞入艾葉糯米生薑同煎至陸分食前服一方無白朮有人參

發熱

當歸散 治產後氣血虛弱惡露內停增寒發熱

當歸

白芍藥炒

川芎

黃芩炒各壹兩

白朮伍錢

右為細末温童便調下貳錢

聖愈湯 治血虛心煩睡卧不寧或五心煩熱

熟地黃酒拌蒸半日

生地黃酒拌

川芎

人參各柒錢伍分

當歸酒拌

黃芪炒各伍錢

治前 半產

女科 四

百金

右水煎服

當歸補血湯 治肌熱躁熱目赤面紅煩渴引飲晝夜不息脉洪大而虛重按全無此脉虛血虛也若誤服白虎湯必死

當歸 參錢 黃芪 壹兩 右水煎服

四物二連湯治血虛發熱或口舌生瘡或晝安夜熱

當歸 川芎 熟地黄 芍藥

胡黃連 宜黃連 各壹錢 右作一劑水煎服

昏東垣云婦人分免及半產漏下昏冒不省瞑目無所知覺蓋因血暴亡有形血去則心神無所養心與包

絡者君火相火也得血則安亡血則危火上熾故令入昏冒火勝其肺瞑目不省人事是陰血暴去不能鎮撫也血已虧損往往用滑石甘草石膏之類乃辛甘大寒之藥能瀉氣中之熱是血虧瀉氣乃陰虧瀉陽使二者俱傷反為不足虛勞之病昏迷不省者上焦心肺之熱也此無形之熱用寒涼之藥驅令下行豈不知上焦之病悉屬於表乃陰證也汗之則愈今反下之幸而不死暴虧氣血必天天年又不知內經有說病氣不足宜補不宜瀉但瞑目之病悉屬於陰宜汗不宜下又不知傷寒鬱冒得汗則愈是禁用寒

涼藥也分免半產本氣不病是暴去其血亡血補血
 又何疑焉補其血則神昌常時血下降亡今當補而
 升舉之心得血而養神不昏矣血若暴下是秋冬之
 令太旺今舉而升之助其陽則目張神不昏矣今立
 一方補血養血生血益陽以補手足厥陰之不足也
 全生活血湯

紅花各五分 蔓荆子各伍分 細辛各伍分 生地黃夏月熟地
 黃各壹錢 藁本各壹錢 川芎各壹錢 防風諸陽既陷何以知 羌
 活各壹錢 獨活各壹錢 甘艸各壹錢 柴胡去苗 當歸身酒洗 葛根各壹錢
 白芍各壹錢 升麻各壹錢 錢各壹錢 咬咀每服伍錢水二盞煎
 至壹盞盡去滓食前稍熱服

胎不長

大夫妊娠不長者因有宿疾或因失調以致臟腑衰
 損氣血虛弱而胎不長也當治其疾夜益其氣血則
 胎自長矣 薛前證更當察其經絡審其所因而治
 之 一妊婦胎六月體倦懶食面黃晡熱而胎不長
 因勞欲墜此脾氣不足也用八珍湯倍加參朮茯苓
 三十餘劑脾胃漸健胎安而長矣 一妊婦因怒寒
 熱往來內熱晡熱脇痛嘔吐胎至八月而不長此因
 肝脾鬱怒所致用六君加柴胡山梔枳殼紫蘇桔梗
 病愈而胎亦長矣

安胎白朮散 治妊娠宿有冷胎痿不長或失於將
理傷胎多墮此藥補榮衛養胎氣

白朮

川芎 各壹兩

吳茱萸 湯泡半兩

甘草 炙壹兩半

為細末每服貳錢食前溫酒調下忌生冷果實

白朮散 見前胎動不安

黃芪散 主妊娠胎不長安胎和氣思食利四肢

黃芪

白朮

陳皮

麥門冬

白茯苓

前胡

人參 各柒錢半

川芎

甘草 各半兩

右咬咀每服叁錢水壹盞薑叁片棗壹枚煎至柒分去滓溫服

人參丸 主妊娠胎不長宜服養胎

人參

白茯苓

當歸

柴胡

刺薊

厚朴

桑寄生 各壹兩

枳殼 柒錢半

甘草 半兩

右為細末煉蜜為丸如梧子大每服貳拾丸食前溫水吞下

集驗治婦人懷胎不長方

鯉魚 長壹尺者去腸肚鱗以水漬沒內鹽及棗煮熟取汁稍

胎前產後

女科

百九

稍飲之當胎所腹上當汗出如牛鼻狀雖有所見胎雖不安者十餘日輒一作此令胎長大甚平安附枳實檳榔丸安養胎氣調和經候癥瘕癖塊有似孕婦可以久服血氣通和

枳實生用

檳榔

黃連

黃檗

黃芩

當歸

木香

阿膠灰炒研各半兩

右為細末水和丸如小豆大每服參拾丸不拘時用溫米飲送下

日月未足欲產過期不產

大全婦人懷胎有七月八月而產者有至九月十月而產者有經一年二年乃至四年而後產者各依後法治先期欲產者涼血安胎過期不產者補血行滯一妊婦入箇月胎欲墜似產卧久少安日哺益甚此氣血虛弱朝用補中益氣湯加茯苓半夏隨愈更以八珍湯調理而安

集驗知母丸 治日月未足而痛如欲產者兼治產難及子煩

知母不以少為細末煉蜜丸如雞頭大溫酒嚥下

治行不月產過期產

日三服 一方丸如梧子大粥飲下貳拾丸

槐子丸 治妊娠月數未足而似欲產腹痛者

槐子 蒲黃各等分

右為細末蜜丸如梧子大溫酒下貳拾丸以痛止為度

又方 取蒲黃如棗核大篩過以井花水調服

又方 梁上塵竈突煤同為末空心溫酒服方寸匕

壬治日月未足欲產搗菖蒲根汁壹貳升灌喉中

羅治過期不產方 四物湯加香附朮仁枳殼縮砂

紫蘇水煎服即生

鬼胎

大全 夫人臟腑調和則血氣充實風邪鬼魅不能干

之若榮衛虛損則精神衰弱妖魅鬼精得入於臟狀

如懷娠故曰鬼胎也 薛前證因七情脾肺虧損氣

血虛弱行失常道衝任乖違而致之者乃元氣不足

病氣有餘也若見經候不調就行調補庶免此證治

法以補元氣為主而佐以雄黃丸之類行散之若脾

經鬱結氣逆者用加味歸脾湯調補之若脾虛血不

足者用六君芍歸培養之肝火血耗者用加味道遙

散滋抑之肝脾鬱怒者用加味歸脾逍遙二藥兼服

腎肝虛弱者用六味地黄丸。一婦人經閉八月，肚腹漸大，面色或青或黃，用胎證之藥不應。余診視之，曰：面青，脈潛寒熱往來，肝經血病也；面黃，腹大，少食體倦，脾經血病也。此鬱怒傷脾肝之證，非胎也不信。仍用治胎散之類，不驗。余用加味歸脾道遙二藥，各二十餘劑，諸證稍愈。彼欲速效，別服通經丸，一服下血昏憤，自汗惡寒，手足俱冷，嘔吐不食。余用人參炮薑二劑，漸愈。又用十全大補五十餘劑而安。

雄黃丸 治妊娠是鬼胎致腹中黑血散下腹痛

雄黃 細研 鬼臼 去毛 莽草

丹砂 細研

巴豆 去皮

獺肝 各半兩

蜥蜴 壹枚

蜈蚣 壹條

右為細末，蜜丸如梧子大，空心溫酒下，貳丸，日兩服。後當利，如不利，加至叁丸。初下清水，次下蟲，如馬尾狀，無數病極者，下蛇蟲，或如蝦蟇卵，雞子，或如白膏，或如豆汁，其病即除。

治婦人鬼胎及血氣不可忍方

蟹螯 去頭足

延胡索 炒各

右為細末，再研如麵，溫酒調服，半錢，胎下為度。

治婦人虛羸有鬼胎癥塊經候不通，以芫花根 兩 坐

炒令黃色為細末桃仁煎湯調下壹錢當下惡物
補遺治婦人鬼胎如抱一瘦

吳茱萸 川芎 秦朮

柴胡 殭蠶 巴戟

巴豆 不去油 芫花 醋煨貳兩

右為末煉蜜丸梧子大每服柒丸蜜酒下即出惡
物而愈
右方俱犯毒藥不可輕用姑以古方存之耳

臨產坐草法

脉訣欲產之婦脉離經沉細而滑也同名夜半覺痛
應分誕來日日午定知生

者不產也又云其脉離經夜半覺痛日中則生也但離經
常也謂離其常處為離經假如孕婦昨日見左沉實
為男之脉今日或脉浮是離其尋常之脉而異於昨
日又且腹痛知是將誕也通真子引難經一呼三至
曰離經為解李晞范又難經言損至一呼一至曰離經以
解沉細而滑皆非也難經言損至一呼一至曰離經以
其脈與理則不同且脈訣因其言離經又添沉細而滑
引援難經之文合脈訣因男女其言脈浮又添沉細而滑
同名離經蓋以前所診男女其言脈浮又添沉細而滑
脈浮為離經若平常見浮大為女之常脈安辨離經故
又增沉細而滑以見離經為浮大之常脈為常滑也聖
惠方云夜半子時覺腹痛來日午時必定生產謂子
午相衝正半日時數也通真子曰夜半痛日午生此
言恐未為的又曰腹痛而腰不痛未產也若腹痛連

合前臨產坐草法 女科四 身三

腰痛甚者即產所以然者腎繫於腰胞繫於腎故也診其尺脈轉急如切繩轉珠者即產也生產有難易痛來有緊慢安可定以半且當以活法

身重體熱寒又頻舌下之脈黑復青反舌上冷子當
歿腹中須遣母歸冥面赤舌青細尋看母活子死定
應難唇口俱青沫又出母子俱死總教拚面青舌赤
沫出頻母死子活定知真不信若能看應驗尋之賢
哲不虛陳脈指南作面青舌赤蓋面以候母舌以候
與前面赤舌青母活子歿之候相反若胎先下其子
得活如未下子母俱亡○自身重體熱寒又頻至此
並不不用脈只以外候參訣于母生死蓋
以臨產脈不可定但當以察色而知之

楊子建十產論

一曰正產者婦人懷胎十月滿足忽腰腹作陣疼痛
相次胎氣頓陷至於臍腹痛極乃至腰間重痛穀道
挺進繼之漿破血出兒子遂生名曰正產

二曰傷產者蓋一人之生陰注陽定各有時日不可
改移今有未產一月已前忽然臍腹痛有如欲產
仍却無事是名試月非正產也但一切產母未有正
產之候即不可令人抱腰產母亦不可妄亂用力蓋
欲產之婦臍腹疼痛兒身未順收生之婦却教產母
虛亂用力兒身纔方轉動却被產母用力一逼使兒
錯路忽橫忽倒不能正生皆緣產母用力未當之所

胎前產後法

百五十五

致也凡產母用力須待兒子順身臨逼門戶方始用力一送令兒下生此方是產母之用力當也若未有正產之候而用力傷早并妄服藥餌令兒下生譬如揠苗而助長無益而有害矣此名傷產

要右傷產一法最為切要慎勿輕忽也凡十月未足臨產腹痛或作或止或痛不甚者名曰弄痛非正產之候或腹雖痛甚而腰不甚者非正產之候胎高未陷下者非正產之候穀道未挺進者非正產之候水漿未破血未出者非正產之候漿血雖出而腹不痛者非正產之候凡未有正產候且令

扶行熟忍如行不得或凭物坐之或安臥之或服安胎藥一二服得安即止慎勿妄服催生藥餌惶惶致令產母憂恐而挫其志務要產母寬心存養調停亦令坐婆先說解諭之如覺心中煩悶可取白蜜壹匙新汲水調下切勿妄亂用力先因其母直待子逼門戶腰重痛極眼中如火穀道挺進時是正產候方可用力并服催生藥也子男婦於未產一月已前腰腹俱痛全似將產其痛至甚但遇已牌稍止如此者將十餘日計無所出因閱此條遂與安胎藥加參朮數服間與肉味養之由是平

復不痛又二十餘日始產一男是時若妄動亂用
方并服催生等藥立見危亡矣

三曰催產者言婦人欲產漿破血下臍腹作陣疼痛
極甚腰重穀道挺進已見是正產之候但兒却未生
即可服藥以催之或有經及數日產母困苦已分明
見得是正產之候但兒子難生亦可服藥以助產母
之正氣令兒速得下生此名催產

四曰凍產者冬月天冷產母經血得冷則凝以致兒
子不能生下此害最深若冬月產者下部不可脫去
綿衣并不可坐卧寒處當滿房著火常有煖氣令產

母背身向火令臍下腿膝間常煖血得熱則流散使
兒易生此名凍產

薛荆婦孟冬分娩艱難勞傷元氣產子已死用油
紙撚燒斷臍帶藉其氣以暖之俄頃忽作聲此兒
後無傷食作瀉之證可見前法之功不誣

五曰熱產者盛夏之月產婦要溫涼得所不可恣意
取涼傷損胎氣亦不可人多熱氣逼襲產母使產母
血沸而有發熱頭痛面赤昏昏如醉乃至不知人事
此名熱產

六曰橫產者兒先露手或先露臂此由產母未當用

力而用之過也兒身未順用力一逼遂至身橫不能
生下當令產母安然仰臥後令看生之人先推其手
令入直上漸漸逼身以中指摩其肩推上而正之或
以指攀其耳而正之須是產母仰臥然後推兒直上
徐徐正之候其身正煎催生藥一盞吃了方可用力
令兒下生此名橫產
七日倒產者產母胎氣不足關鍵不牢用力太早致
令兒子不能迴轉便直下先露其足當令產母仰臥
令看生之人推其足入去不可令產母用分毫力亦
不得驚恐使兒自順云

蛇蛻散 治妊婦欲產時不肯伸舒行動多 腰眠

卧忍痛兒在腹中不能得轉故脚先出謂之逆生
須臾不救母子俱亡

用烏蛇蛻壹條蟬蛻拾肆枚血餘壹握並燒灰存性

研分二服温酒調連進之仰卧少頃或用小絹針

於兒脚心刺三五刺用鹽少許塗刺處即時順生

母子俱活 又法以鹽塗兒足底又可瓜甲搔之

并以鹽摩母腹上 又以手中指取鍋底墨交畫

兒足下即順生 又方取其父名書兒足下即順

生 若孕婦橫生不可出者以車前子為末酒服

貳錢七 又方兔絲子為末酒調服壹錢七米飲
調亦得 又以百草霜香白芷不見火用童便與
好醋各壹合調成膏沸湯浸服甚者二服即生
若婦人橫逆難產子死腹中先用黑豆壹大合炒
熟水與童便合煎服神效 又方用艾葉半斤酒
肆升煮取壹升服之 又以當歸為末酒服方寸
匕紫蘇湯調服亦可

八曰偏產者兒身未正產母用力一逼致令兒頭偏
挂左腿或偏挂右腿故頭雖露偏挂一晷不能生下
當令產母仰卧次令看生之人輕輕推兒近上以手

正其頭令兒頭頂端正然後令產母用力一送即便
生下若是小兒頭後骨偏柱穀道只露其額當令看
生之人以綿衣炙溫裹手於穀道外方輕輕推兒頭
令正便令產母用力送兒生也此名偏產
九曰礙產者兒身已順而露正頂不能生下蓋因兒
身回轉肚帶攀其肩以此露正頂而不能生當令產
母仰卧令看生之人輕推兒近上徐徐引手以中指
按兒肩下撥其肚帶仍須候兒身正順方令產母用
力一送使兒生下此名礙產

右橫產倒產偏產礙產四法若看生之人非精良

妙手不可依用此法恐恣其愚以傷人命也按倒
產者今世往往隨其倒足生下並無後患子母雙
全不必依推足上之法亦可又礙產者往往肚帶
有纏在兒頂上而兒頭自出在產門外看生之人
以手揆其肚帶從兒頭頂過而下之者又有肚帶
纏在頂上一匝而兒與胞衣自然同下者皆無妨
不必以此礙產法入產門撥下也

十曰坐產者兒將欲生其母疲倦久坐椅褥抵其生
路急於高處繫一手巾令產母以手攀之輕輕屈足
坐身令兒生下非坐在物上也此名坐產

十一曰盤腸產者臨產母腸先出然後兒生趙都運
恭人每產則太腸先出然後產子產後其腸不收甚
以為苦醫不能療偶在建昌得坐婆一法而收之其
法以醋半盞新汲水柒分調停喫產母面每喫一縮
三喫收盡此良法也

按前證古方以蓖麻子仁四十九粒研塗產母頭
頂腸收上急洗去其腸若乾以磨刀水少許濕潤
之內用磁石煎湯飲之即收上磁石須陰陽家用
有驗者若以水喫母面恐驚則氣散

丹產後腸不收香油五斤煎熟盛盆中候溫坐油盆

胎前產後坐草法
胎前產後坐草法
胎前產後坐草法

中約一食時以皂角末吹入鼻中嚏作立上妙門

大半夏為末搐鼻中則腸上矣 又方以大紙燃蘸

香油點燈吹滅以烟薰產母鼻中腸即上矣

又方 腸出盛以潔淨漆器濃煎黃芪湯浸之腸即

上

薛欲產之時覺腹內轉動即當止身仰臥待兒轉身

向下時作痛試捏產母手中指中節或本節跳動方

與臨盆即產矣若初覺不仰臥以待轉胞或未產而

水頻下此胞衣已破血水先乾必有逆生難產之患

若胎衣破而不得分娩者保生無憂散以固其血自

然生息如血已耗損用八珍湯料壹斤益母艸半斤

水數碗煎熟不時飲之亦有得生者凡孕婦只腹痛

未產也若連腰痛甚者將產也蓋腎候於腰胞繫於

腎故也凡孕家宜預請有仁心知事穩婆常以恩結

其心先與說知倘有生息不順只說未產或遇雙胎

只說胎衣未下恐驚則氣散愈難生息余家親驗之

太抵難產多患於鬱悶安佚富貴之家治法雖云胎

前清氣產後補血不可專執若脾胃不實氣血不充

宜預調補不然臨產必有患難 如因難產或太寒

時急以大油紙燃徐徐燒斷其臍帶雖兒已死冷煖

胎前產後坐草法

氣入腹多得復生切勿用刀斷之

催生法

大凡生產自有時候未見時候切不可強服催生
滑胎等藥或勢不得已則服之又云切不可坐早及
令坐婆亂動手凡催生藥必候腰痛甚胎陷下紫血被可服大法滑以
流通澁滯苦以驅逐閉塞香以開竅逐血氣
滯者行氣胞漿先破疲困者固血丹溪云催生
只用佛手散最穩當又効捷方見胎產大法

滑劑催生如聖散 黃蜀葵子小半合一研爛以酒

濾去滓温服神妙或漏血胎乾難產痛極者并進
三服良久腹中氣寬胎滑即產須見正產候方可

胎前催生
女科

服之歌曰黃葵子炒七十粒 細研酒調濟若急
若遇臨危產難時 免得全家俱哭泣

又方以香油白蜜小便和勻各半盞調益母草末服
一方止用油蜜小便能下難產

又方 治橫倒生者

明阿膠炒 滑石末各壹兩 葵子貳兩

右水壹盞半煎至壹盞去滓分二服

治難產五六日不得分娩者疲困虛乏光明水膠貳
兩微火焙好酒壹升半煎滾入膠候烱再入新鷄子
壹枚鹽壹錢匕攪勻放溫令產母坐椅上伸腰大口

作二次服覺小便重即生緣坐草草早驚動故也

苦酒 催生柞木飲子 治產難或橫或倒死胎爛脹

腹中此方屢用神効

大柞木枝一太握長壹尺 洗淨寸剉生用 甘艸大者伍寸 剉作伍段

右用新汲水參升半同入新磁瓶內以紙三重封

緊文武火煎至壹升半令香候產婦腰重痛欲坐

草時溫飲壹小盞要未重痛勿服便覺心下開豁如覺渴

再飲一盞至三四盞覺下重便生此方最驗

梅 治難產碍胎在腹中如已見兒胎衣不出或胎死
者蒺藜子貝母各四兩為末米飲下壹匙如人行

治前 催生 婦科 卷十四 三十三

四五里許不下再服

按苦能下氣柞木蒺藜貝母則又不專於苦蔓之亦有利竅行血之功茲特因婁氏所編而列之耳

香劑乳珠丹

用通明乳香研細以豬心血為丸梧子大朱砂為衣日乾每服壹粒催生冷酒化下良久未下再服壹粒若大段難產以蓮葉心帶水煮壹盞放溫化下壹粒良久未下再服其驗如神如胎下胞衣不下者服此便下若胎橫逆不順即先服神應黑散再服此藥催之合藥時要五月五日

午時極妙或七月七日三月二日及初上辰日亦可

又方 通明乳香如皂角子大為末腰痛時用新汲水一

小盞入醋少許同煎令產母兩手提兩石燕坐婆調藥飲水須臾坐草便生無痛楚神良

開骨膏五月五日午時作

乳香研細滴水丸如芡實大每服壹粒無灰酒吞下

又方 乳香 朱砂等分為細末麝香酒調下

催生丹 治產婦生理不順產育艱難或橫或逆

台前催生
治產婦生理不順產育艱難或橫或逆

十二月兔腦髓

去皮膜
研如泥

母丁香

錢

乳香

貳錢半
另研

麝香

另研
壹字

右三味拌勻以兔腦髓和丸雞頭實大陰乾油帛裹每服壹丸溫湯下即產兒握藥出

如意散

臨產腰疼方可服之

人參

為末

乳香

各壹錢

朱砂

貳錢

右同研臨產急用雞子清壹個調藥末再用生薑自然汁調開冷服如橫倒等即時端順子母無恙勝金散 郭稽中云產難者因兒轉身將兒枕血塊破碎與胞中敗血壅滯兒身不能便利是以難產

急服勝金散消散其血使兒自易生陳無擇云多因兒未轉順坐艸太早或努力太過以致胞衣破而血水乾產路澁而兒難下宜先服催生如神散以固其血設或逆生橫產當用前法針刺之

麝香

壹錢

鹽豉

壹兩以青布裹
了燒紅急研細

右取秤錘燒赤粹酒中以酒調服壹錢

行氣催生湯

治妊娠欲產痛陣尚踈難產經二兩

日不生胎死腹中或產母氣乏委頓產道乾澁纔覺痛密破水後便可服

蒼朮

貳兩米泔浸
洗炒黃

小厚枳殼

去穰
炒

白桔梗

胎前催生

女科四

二百五

薄陳皮去白

楊芍藥

川白芷

大川芎

大當歸去尾各壹兩

交趾桂去麤皮不見火

半夏湯洗

粉草

麻黃去節

軍薑去皮

厚朴去麤皮剉薑汁炒

南木香不見火

杏仁去皮尖另研

白茯苓各伍錢

右為末每服貳錢順流水溫暖調下若覺執悶白蜜湯下或剉散入真米醋壹合煎方內用楊芍藥肉桂能開通子宮其餘藥皆助氣之盛關竅自通麻黃內通陽氣陽氣盛則血行血行即產矣外却寒邪去積聚皆得其宜寒月用之甚確隆暑者不宜

輕服但以五苓散用葵子燈心煎湯調下卻暑清魂滑胎易產胞漿先破則胎乾難產用白蜜清油侵以熱酒令得所頓服胎氣既潤即分挽矣
難產 縮砂 香附醋炒 枳殼 甘草 滑石 右為末白湯調服

行血本草主難產搗益母草取汁米大合煎減半頓服立產無新者以乾者壹大握水米合者服

丹易產天麻丸 天麻即益母草六月間帶根不以多為末

煉蜜丸龍眼大臨產熱水嚼壹丸能除產後百病

佛手散方及加減法見胎產大法

婦科 胎前 產後 諸症 治法

如聖散 專治孕婦難產

紫蘇葉

當歸 各等分

右咬咀每服參五錢用長流水煎服如無流水以
水順攪動煎服即下 又方取本夫視帶五寸燒
存性酒調服下 又方取槐樹東枝令產婦把之
易產 又方用紫蘇煎湯調益元散服之即產
無憂散 治胎肥氣逆臨產難產

當歸 去蘆酒浸

川芎

木香 不見火

白芍藥

枳殼 去白鹽炒

甘艸 炙各壹錢半

乳香 另研

血餘 燒存性另研各半錢

右作一服水貳鍾煎至壹鍾入乳香血餘和勻不
拘時服

固血

治胞漿先破惡水來多胎乾不得下時須先
與四物湯補養血氣次更濃煎蔥湯放冷令坐婆洗
產戶須是款曲洗令氣上下通暢更用酥調滑石末
塗產戶裏次服神妙乳珠丹或葵子如聖散
催生如聖散 治逆產橫生瘦胎

百草霜

香白芷 不見火為末

右二味等分研勻每服貳大錢於臨產時以童便
并少米醋打為膏沸湯調下集驗用酒童便各半

胎前備註

女科

三

胎前
蓋同煎纔沸即熟服不過再服即產丹溪用芍歸
魚則止此藥大能固血免得乾生

婦人臨產累日氣盡不能生兼惡露出盡胞乾終不產者用赤小豆壹斗水玖升煮令熟去豈滓以阿膠參兩入豆汁溶化每服止半盞未產再服即出

破血半夏湯 治胎乾而不能產

半夏麩壹兩 大黃伍錢 肉桂半錢

桃仁叁拾枚

右為粗末先服四物湯一二服次服半夏湯薑參片水煎又方當歸為末酒調方寸匕服之

七聖散 臨產腰疼方服

延胡索 沒藥 白礬

白芷 薑黃 當歸

桂心 各等分

右為末臨產陣痛時燒錘刀鐵頭即犁令通赤滓酒調下叁錢服一兩盞立產

勝金散 治難產逐敗血即自生若橫逆則轉正子

死腹中則胎軟膨寬即產祖宗秘傳千金不授

王不留行 酸漿艸死胎倍用 菟蔚子

白蒺藜去刺 五靈脂行血宜生用各等分

右為散每服叁錢取利方水壹盞半入白花劉寄奴子壹撮同煎溫服大効

外取如聖膏

治產難併治胞衣不下兼治死胎

草麻子粒去殼細研成膏塗脚心胞即下速洗去不洗腸出却用此膏塗頂上腸自縮入于百粒雄黃壹錢細研用如法

催生萬金不傳遇仙丹

草麻子

拾肆粒去殼硃砂研

雄黃

研各壹錢半

蛇蛻

壹尺燒存性

一方草麻子叁粒

右為末漿水飯和丸如彈子大臨產時先用椒湯

淋瀝臍下次安藥壹丸於臍中用蠟紙數重覆上

闊帛束之頭生下急取去藥丸可用三次

三麻四豆脫衣裳研碎將來入麝香若有婦人遭產

難貼在臍中兩分張用草麻子叁粒巴豆肆粒去殼入麝研細貼臍中

立聖丹 治產難危急者

寒水石

肆兩貳兩生用貳兩煨赤

右同研細入朱砂同研如

深棗花色每用叁分井花水調如薄糊以紙花剪

如杏葉大攤上貼臍心候乾再易不過三上便產

橫逆惡候死胎不下並治神驗寒水石非方解石是也此方異人所傳妙

胎前

女科

三頁

雜方圖經云令產婦兩手各握石燕壹枚須臾下
 救產難經曰不生雲母粉半兩溫酒調服入口即產
 萬不失陸氏云已救三五百人效治橫逆產理不順用伏龍
 肝細研每服壹錢酒調服其土從兒頭上戴出妙
 世如神散 治催生累効靈妙之理人所難通用實
 殊効 臨產時令人路上尋破草鞋壹隻取耳燒
 灰溫酒調下叁錢七得左足者男右足者女覆者
 死側者有驚果是神奇用此送催生丸尤妙
 勝金丹 治難產神妙敗鬼毫筆頭壹枚燒灰研細
 搗生藕汁壹盞下之若產母虛弱及素有冷疾者

恐藕冷動氣即於重湯內煖過服立產

針灸東婦人將產預先胎破惡水長流坐草早無血

可養枯竭 獨陰伍分在足小指節間 承陰壹分

玉催生難產及死胎 太衝捌分補 合谷補 三

陰交五分瀉立 足小指節叁壯心術 產子上衝

逼心 巨闕令正坐用抱頭抱腰微偃如子掬母心止上下

手心有針痕子頂母心久中有痕 台谷叁分留

向後枕骨有痕是其驗也神効 三陰交五分瀉

張仲文 橫產難產 右腳小指尖頭灸叁壯
集又法 獨陰同上法取灸 合谷補 三陰交瀉

治前催產

桑難產 三陰交

治驗淳于意治菑川王美人懷子而不乳召臣意往
飲以葭藹藥一撮以酒飲之旋乳意復診其脉而脉
躁躁者有餘病即飲以消石一劑出血血如豆比五
六枚 滑伯仁治一婦難產七日而不乳且食甚少
伯仁視之以涼粥一盂搗楓藥煎湯調啖之旋乳或
詰其理滑曰此婦食甚少未有無穀氣而生者夫楓
葉先生先落後生後落故以作湯飲也 龐安常治
一婦產七日而子不下百治不効龐視之令其家人
以湯温其腰腹自為上下拊摩孕者覺腸胃微痛呻

吟間生一男其家驚喜而不知所以龐曰兒已出胞
但一手誤執母腸不能脫非符藥所能為吾隔腹捫
兒手所在針其虎口痛即縮手所以遽生無他術也
取兒視之右手虎口針痕存焉 一婦累日產不下
服催生藥不効龐曰此必坐草太早心下懷懼氣結
而不行非不順也素問云恐則氣下盖恐則精神怯
怯則上焦閉閉則氣逆逆則下焦脹氣乃不行矣以
紫蘇飲一服便產及治婦人子懸證紫蘇飲見胎上逼心 吳
菱山治一婦產難三日不下服破血行經之藥俱罔
効吳因製一方以車前子為君冬葵子為臣白芷枳

穀為佐使已服午產衆醫異之吳曰本草謂備至以此為君毛詩採芣苢以防產難是也 劉復真遇府判女產不利已歛劉取紅花濃煎扶女于凳上以綿帛蘸湯盪之連以澆帛上以器盛水又煖又淋久而甦醒遂生男子蓋遇嚴冬血冷凝滯不行温即產見亦神矣哉 一醫宿客店值店婦產數日不下下體已冷無藥甚窘以椒橙茱萸等煎湯可下手則和臍腹人門處皆淋洗之氣温血行遂產

交骨不開 薛交骨不開產門不開皆由元氣素弱胎前失於調攝以致血氣不能運達而然也交骨不開

陰氣虛也用加味芎歸湯補中益氣湯產門不開氣血虛也用十全大補湯 地官李孟卿娶三十五歲女為繼室妊娠慮其產難索加味芎歸湯四貼備用至期果產門不開止服一貼頓然分娩 上舍費懷德之室產門不開兩日未生服前藥一劑即時而產 上舍傳此方用之者無有不驗 一婦人分娩最易至四十妊娠下血甚多產門不開與前湯一劑又以無憂散斤許煎熟時時飲之以助其血而產 加味芎歸湯主交骨不開不能生產

川芎

當歸

各壹兩

自死龜板

壹枚

台前... 卷... 三...

婦人頭髮生男壹握燒存性右為散每服伍錢水煎服約人行五里即生如胎死亦下灼過龜板亦可

下死胎法

產難子死腹中者多因驚動太早或觸犯禁忌致令產難胞漿已破無血養胎枯涸而死故也須驗產母舌若青黑其胎死矣當下之大法寒者熱以行之熱者涼以行之燥者滑以潤之危急者毒藥下之

熱劑烏金散

治難產熱病胎死腹中或因顛仆或從高墜下或房室驚搖或臨產驚動太早觸犯禁忌或產時未到經血先下惡露已盡致胎乾子死身冷不能自出但視產婦面赤舌青是其候也面

治前下死胎

女科

七十三

青舌赤母死子活唇青吐沫子母俱斃又有雙胎
或一死一活其候難知臨時觀變可也

熟地黄

洗切焙
乾酒炒

真蒲黃

大當歸

交趾桂

楊芍藥

軍薑

去皮

粉草

各壹兩

小黑豆

肆兩

百草霜

伍錢

右為末每用貳錢米醋半合許沸湯六七分浸起
溫服疑貳之際且進佛手散酒水合煎二三服探
之若未死子母俱安若胎已死立便逐下的知其
胎死進此藥後更進香桂散須更如手推下常用
催生更加好滑石末半兩葵子五十粒槌碎黃梓

葉七八皮葱白二寸順流水煎湯調下蓋滑石能
利小便梓葉行氣逐血葱白內通陽氣氣盛血行
即產矣

大全下死胎方

桂枝

貳錢

麝香

壹個

同研煖酒

服須更如手推下

各名桂
香散

此藥比之用水銀等

不損血氣

趙和
叔傳

一方單用桂末壹錢痛時童便

調下名救苦散

一穩婆之女勤苦負重妊娠腹中陰冷重墜口中甚
穢余意其胎必死令視其舌果青黑與朴硝半兩許
服之隨下穢水而愈 一婦胎死服朴硝而下穢水

胎前下死胎

卷之四

七五口

肢體倦怠氣息奄奄用四君為主佐以四物薑桂調補而愈

寒劑治妊娠三五月胎死在腹內不出

大腹子

赤芍藥

榆白皮各叁兩

當歸壹兩炒

滑石末米錢半

瞿麥

葵子炒

茯苓

粉草

子芩各半兩

右為粗末每服肆錢水壹盞煎至柒分去滓不拘時溫服

鄧知縣傳療死胎不出朴硝半兩研細以溫童便調

服屢効

治死胎不下指甲青舌青脹悶口中作屎臭先以平

胃散一貼作兩服每服酒水各壹盞煎至壹盞却

投朴硝末半兩再煎三五沸溫服其胎化血水下

本治子死腹中不出用辰砂壹兩水煮四五沸末之

然後取酒調服立出

外療子死腹中真珠貳兩為末酒調服盡立出

滑劑千金治小兒死腹中葵子末酒服方寸匕若口

噤不開格口灌之藥下即活療妊娠胎死腹中

或母疾欲下胎榆白皮煮汁服貳升

治下死胎

大治子死腹中或半生不下或半著脊骨在草不產
血氣上盪母心面無顏色氣欲絕

豬脂 壹斤

白蜜 壹升

淳酒 貳升

右三味合煎取貳升分温二服不能飲隨所能服之

毒劑 一字神散 治子死胎不下胞破不生此方屢

効救入無量

鬼白

黃色者不以多少去毛碾為末極細如粉不用羅以手指擦之

右每服貳錢用無灰酒壹盞同煎至捌分通口服立効如神

雜方 世治生產不順胎死腹中胞衣不下臨產危急

妙

蛇退

壹條全者香油燈上燒研

麝香 少許

右為末童便酒各半盞調一服即生効

楊氏療有孕月數未足子死腹中母欲悶絕取大豆

黑豆 叁升醋煮濃汁叁升頓服立効

本事治妊娠熱病抬死腹中鹿角屑壹兩水壹盞葱

五莖豆豉半合同煎至陸分去滓温分二服

又方 取死胎 烏雞壹隻去尾細切以水叁升煮

取貳升去雞通手用衣帛蘸摩臍下胎自出

故天子之於天下也
 如保赤子
 去其不仁
 刑其無道
 罰其不義
 而民歸之
 如水之就下焉
 故君子必先慎乎德
 德薄而位尊
 禮小而加
 天譴而人不諱
 禍及國
 殃及身
 德薄而位尊
 禮小而加
 天譴而人不諱
 禍及國
 殃及身
 德薄而位尊
 禮小而加
 天譴而人不諱
 禍及國
 殃及身

禮記卷之四
 禮記卷之四

禮記卷之四
 禮記卷之四

